

光緒順天府志

故事志四

光緒順天府志六十八

學派

黃岡洪良品纂江陰繆荃孫覆輯

商瞿受易聖門三傳而得周醜子家是爲北學之始韓詩盧禮並  
峙兩京授受淵源迄今可數我

朝隆儒崇道魁士輩出京師爲首善區

聖教之所涵濡經師之所傳述王或庵衍顏李之緒朱笥河紹許  
鄭之宗枝系師承彬彬盛矣體例略仿宋元學案節錄精義具見  
宗旨事蹟詳於人物著述錄於藝文茲不復述志學派

燕

周醜

燕周醜子家朱翔鳳過庭錄云當爲六國時人

漢

自魯商瞿子木受易孔子以授魯橋庇子庸子庸受江東馯臂  
子弓子弓授燕周醜子家子家授東武孫虞子乘子乘授齊田  
何子襄漢儒林傳 按史記孔子弟子傳作瞿傳楚人馯臂子  
弘弘傳江東人矯子庸疵疵傳燕人周子家監登傳淳  
于人光子乘羽羽傳齊人田子莊何授受不同  
姓名亦異荀氏漢紀陸氏釋文序錄並同漢書

易 韓嬰 孫商 韓生

嬰見先賢傳

韓生亦以易授人推易意而為之傳燕趙間好詩故其易微唯  
韓氏自傳之後其孫商為博士孝宣時涿郡韓生其後也以易  
徵待詔殿中曰所受易即先太傅所傳也嘗受韓詩不如韓氏  
易深太傅故專傳之

漢儒林傳

七日來復傳云極六位而反於坤之復其數七日其物陽也漢上  
易朱子發云京房日六爻反復之稱陸續注京房易傳日六陽

涉六陰又七爻在初故稱七日日亦陽也與此義同

九二井谷射鮒傳云井中蝦蟇呼為鮒魚正義朱子發云井為五

月之卦蠓蠓鳴故曰蝦蟇荃孫按子夏易即釋氏易說見藝文

詩 韓嬰

嬰推詩人之意而作內外傳數萬言其語頗與齊魯間殊然歸

一也淮南賁生受之漢儒林傳

韓嬰之書今但存其外傳非嬰傳詩之詳者而其遺詩時見於

他書與毛之義絕異而人亦不信去聖既遠誦習各殊至於考

風雅之正變以知王政之興衰其善惡美利不可不察焉歐陽文

集

漢志十篇內傳四外傳六隔止存外傳析十篇其及於經蓋寡而其遺說往往見於他書如透迤郁夷之類其義與毛詩不同

晁公武讀書志

外傳雖非其解經之詳斷章取義要有合於孔門商賜言詩之

旨况文辭清婉有先秦風學者安得不宗尙之

元錢惟善外傳序

韓嬰處乎漢孝文之世遭秦火絕學之餘迺能行詩作傳命意布詞一倣孔門之文凡諸詩言約旨遠者悉肆力極致上推天人之理下及萬物之情以盡其意文則嚴整簡古厲世範俗皆

順於道宛然聖門家法

元陳明外傳序

劉德然

盧植蜀先主

「高誘

植誘見先賢傳

盧植與鄭元俱事馬融能通古今學好研精而不守章句作尙

書章句三禮解詁

後漢書列傳 荃孫按三禮應作禮記說見藝文

先主姓劉諱備字元德年十五母使行學與同宗劉德然遯西

公孫瓚俱事故九江太守同郡盧植

蜀志

漢末涿郡高氏誘少受學於同縣盧侍中子幹嘗定孟子章句

作孝經呂氏春秋淮南諸解訓詁悉用師法

盧見曾戰國策序

臣少從通儒故南郡太守馬融受古學頗知今之禮記特多同  
穴臣前以周禮諸經發起批繆敢率愚淺爲之解詁而家乏無  
力供繕寫上願得將能書生二人共詣東觀就官財糧惠心研  
精尙書章句攷禮記得失庶裁之聖典刊正碑文古文科斗近

於爲實而厭抑流俗降在小學中興以來通儒達士班固賈逵鄭興父子并敦悅之今毛詩左氏周禮各有傳記其與春秋相表裏宜置博士爲立學宮以廣聖意

後漢列傳

誘尤精音韻其解呂氏春秋淮南二書有急氣緩氣閉口籠口之法蓋反切之學實始於高氏而孫叔然炎在其後

戰國策序

魏

盧景裕一弟辨

景裕辨見先賢傳

魏末大儒徐遵明門下講鄭玄所注周易遵明以傳盧景裕景裕傳樞會郭茂權會早入鄴都郭茂恆在門下教授其後能言

易者多出郭茂之門

北史儒林傳序錄

盧辨博通經籍以大戴禮未有解詁乃注之其兄景裕謂曰昔侍中注小戴今爾注大戴庶纂前脩矣

周儒林傳

景裕注周易尚書孝經論語禮記老子其毛詩春秋左氏未訖齊文襄王入相於第開講招延時儒令景裕解所注易景裕理義精微吐發閑雅時有問難或相詆訶大聲厲色言至不遜而景裕神彩儼然風調如一從容往復無際可尋由是士君子嗟

美之

魏儒林傳

元

趙復

王粹  
趙矩

復粹均見僑寓傳

復至燕以所學教授學子從者百餘人楊惟中建太極書院請



復講授其中復以周程而後其書廣博學者未能貫通乃原羲  
農堯舜所以繼天立極孔子顏孟所以垂世立教周程張朱所  
以發明紹續者作傳道圖而以書目條列於後樞退隱蘇門以  
傳其學由是許衡郝經劉因皆得其書而崇信之學者稱之曰

江漢先生

宋元學  
案九十

王粹郝經江漢學侶

宋元學  
案九十

趙矩字義臣大都人也魯齋弟子南樂縣尹勸農養士稱循吏

宋元學  
案九十

郝經

弟庸

苟宗道

經見僑寓傳

經上溯洙泗下追伊洛諸書經史子集靡不洞究慨然以羽翼

斯文爲己任撰續後漢書易春秋外傳等於經術尤深

元史本傳

先生誌元遺山墓云先生與家君同受業於先大父經復逮事先生者有年又爲渾源劉先生哀辭謂嘗奉杖履則先生遞及元劉之門又閱其上紫陽先生論學書蓋嘗問學於楊氏又有與漢上先生論性書及北平王子正先生論道學書則復並接

江漢之傳矣

宋元學案九十

嘗聞之師讀易者當先讀繫辭其次說卦序卦雜卦其次讀乾坤二卦既精且熟然後讀屯蒙諸卦此學易之序也蓋意言象數之本皆在於是矣故取太極一章以爲學易之標準類繫辭文言說卦象象之名義探諸太極之前而演其隱微諸太極之後而演其顯問津洙泗以及河洛徧參諸儒庶幾數年之後可以學易觀道易神之髣髴不失吾身之極焉

太極演自序

今自聖經之外求聖人所以制作之本原各從其類而爲之說始於心法制作次之言聖人制作之意不在於史氏之迹皆斷自聖心也其次言託始寓終之意其次言爲經立名之意其次言卽用魯史之意春秋之義以王道行王權以王權正名分也故又次之其法則變周制上以尊王室內以正魯國外以治諸侯故又次之春秋之中其事則五霸五霸桓文爲盛故以桓公爲首晉文次之秦穆楚莊宋襄又次之晉楚更霸而陳鄭叛服爲中國之輕重故陳鄭又次之中國之衰吳越遂霸故吳越又次之中國之所以微由夷狄之橫也吳越則進於中國而夷狄則終於夷狄故夷狄又次吳越也諸侯之衰政在大夫而春秋終矣故大夫又次之而後舉其要義正其名號別其爵命辨其倫類定其次敘而謹其始聖人始以心法變文制作至是則王

法成矣故終之以王法共三十一篇始爲升天之階望道之門

耳

春秋制作  
本原自序

宋興以來諸儒疊出各爲作傳以明聖人之旨莫不自以爲孟軻復出而其義例殆皆不能外乎三傳而每以三傳爲非夫聖人不欺天下後世作爲六經確然如乾賾然如坤易簡示人而天下之理得故本之易以求其理本諸書以求其辭本諸詩以求其情本諸禮以求其制本諸語孟以求其說本諸大學中庸以求其心本諸左氏以求其跡本諸聖人之經以求其斷則春秋不我欺也不我蔽也聖人之意可見而三傳之傳之自之本之差得矣

春秋三傳  
折中自序

苟宗道字正甫保定人郝伯常門人也伯常使宋宗道弱冠從往爲書佐及歸竟以儒名官至國子祭酒

宋元學  
案九十

國朝

王源 子兆符

源見先賢傳

崑繩遇李先生恕谷於京師大悅之曰自繼莊沒豈意復見君乎恕谷微言聖學先生聞之沛然因持大學辨業去是之恕谷乃爲極言顏先生明親之道先生曰吾知所歸矣遂介恕谷往博野執贄顏先生時先生五十有六矣

顏氏學記

著平書十卷一曰分民謂士農工商以分之甲保鄉以合之立鄉官曰正曰峻曰巡以治之而奸民游食異端則變之除之也二曰分土謂使郡縣久任而重其權縣統於府府統於藩其地域則因山川定其幅員不使相懸三曰建官謂內官設府公卿

冢宰御史成均也設部農禮兵刑等六部也設院通政黃門也  
設衛金吾羽林也設司厯象醫卜之類也外官則藩府縣縣有  
堂縣令縣師也有曹六曹也有司亦醫卜之類也府藩皆如之  
而異其名其銓選則以一涂爲升降不祿以他涂如縣令轉至  
相國而其官止縣師轉至大司成而其官止縣曹理農者轉至  
大司農而其官止縣醫官轉至京師醫官而其官止之類也別  
其賢否爲舉錯不以年勞限之天子考相國相國考卿貳以及  
州藩下則各考其屬外巡按御史劾之內外史府黃門院劾之  
三年一考九年三考或陟或留或黜而又有不時舉劾者不論  
年勞也四曰取士八歲入鄉學教之孝弟幼儀識字習數讀經  
書習小樂舞十五入縣學教之六德六行六藝閱史陳策二十  
後教成進之郡學教之三月試之又進之藩學如之進之成均

如之遣歸縣謂之太學生分科以爲士曰禮儀曰樂律曰厯法  
曰兵政曰農政曰刑罰曰藝能曰理財曰兼科分之各四者三  
年習習厥事乃實授之職曰下士予之祿官以此爲始五曰制  
田議均田開水利也六曰武備兵制兵法也七曰財用論積粟  
錢法鹽法商稅也八曰河淮治水也九曰刑罰謂復墨以罪賊  
復刑以罪盜復宮以罪淫也十曰禮樂移風易俗也

顏氏學記

源生平最服姚江以爲孟子之後一人聖人之道體不異而用  
則因時以制變征誅之變揖讓時耳假令孔孟生漢唐以後其  
所以禁奸而禦暴者必不肯泥三代之成規至於晉之清言宋  
之理學爲奸雄竊笑久矣蓋宋儒之學能使小人肆行而無所  
忌束縛沮抑天下之英雄不能奮然以有爲故使程朱遭宸濠  
之亂必不能定之掌握之上而濠以梟雄之姿挾藩王之重負

異志旣久擁衆二十萬一旦竊發順流直掩金陵乃不終日而談笑平之是豈徒恃語言文字者所能辨乃今之謗之者謂其事功聖賢所不屑也其學術爲異端不若程朱之正也其心不過欲蔑其事功以自解其庸闇無能爲之醜尊程朱以見己之學問切實而陰以飾其卑陋不可對人之生平內以自欺外以欺乎天下孰知天下之人之不可欺而祇自成其爲無忌憚之小人哉源幼隨先人播越江淮與先兄汲公同受業梁鶴林先生之門先生講學源兄篤志力行源性苦拘束爲兄所責源曰爲豪傑不亦可乎何必道學源第矢三言無負生平耳兄問之曰忠孝以事君親信義以交朋友廉恥以厲名節兄瞿然白之師師笑而置之後見易堂魏叔子先生其言大與愚見合故生平議論間竊易堂緒餘而酷喜談兵講究伯王大略物色天下



偉人奇士而交之乃卒歸於無用今父兄皆沒源且浮沈於世  
未知所稅駕苟得大賢焉爲之依歸復何恨乎聞先生著述甚  
富皆體用兼備之書恨未之見竊謂後世之治天下當首嚴詐  
僞之禁如太公之誅華士孔子之誅少正卯凡爲虛言以欺天  
下而盜名者悉焚其書而寘之法明先王之道教天下不言而  
躬行卿大夫率於上士民遵於下摯慤果毅敦篤乎倫常而講  
求實學一洗語言文字惡習反風俗於淳朴則三代庶可復乎  
未審先生之意與之合焉否也

與李中孚  
先生書

伯夷曰黃農虞夏忽焉沒兮我安適歸矣邈邈千古孔孟不作  
將何所適從焉源所以不得已置道學之說但欲以忠孝廉節  
爲本而以經濟文章立門戶上之北面部鄉而希其萬一下則  
與陳同甫並驅而爭先此則區區之夙志也乃自落第後孰讀

李剛主大學辨業而翻然悔勃然興矣又介剛主受業於顏習齋先生之門而慨然以斯道爲任矣蓋孔孟所傳二帝三王修己治人之道備於大學一篇格物者大學之始事也程朱之釋格物也上極於性天而下盡於草木非高遠則汗漫陽明意在致良知其釋格物也一以爲正事物一以爲去物欲非修身之事則誠意之功皆於格物之義無當格物者大學之始事也格物不明而明親之功何由實乎明親不實何由止至善而修己治人之道以傳乎此孔孟之學之所以亡而後儒學術支離靡襍使人不得其門而入也今其言曰物非他卽大司徒教萬民而賓興之之三物也格物非他卽學習六藝以成其德與行也蓋德行之實事皆在六藝而六藝要歸一禮故孔子謂非禮不動所以修身教顏子以克己復禮爲仁又曰爲國以禮故學禮

卽格也致也約禮卽誠正修也齊治平也小學大學由淺入深  
師以此教弟以此學也士以此造才以此取也士大夫之學出  
於此君相之學亦出於此也明明德親民由於此止至善卽由  
於此也豈以誦讀爲事靜坐爲功乎豈寘道藝之實務舍下學  
而躐等以言性天乎又引馮應京之言曰人之參天地者六德  
也德之見於世者六行也行之措於事者六藝也先王之設庠  
序學校唯五禮六樂五射五御六書九數爲孜孜而德行備乎  
其間矣旨哉言乎切實而可據簡易而可循非學記所謂大學  
之正業而確然入道之門哉源故心服而誠服焉矢之先聖而  
相助明行斯道爲任學禮以立其綱內而身心動靜一致加功  
不入空虛不流泛濫外而實寘專精經世之務不騖夸誕不事  
繁瑣置省身錄時刻自檢以驗其功之淺深進退發憤刻厲務

抵於成一息尙存不容稍懈苟得以餘年進德修業入孔孟之門脩追明親之實境得志行乎天下不得志傳於後世使自秦毀滅漢唐訓詁僅存宋明表章未盡之道一旦而復明於天下則其德與功之所立與僅以經濟文章自見者何如與方靈泉書立國之道五曰德曰法曰武曰教曰文義得之仁守之曰德立紀綱明政刑使奸宄不作賢才舉而民生遂曰法武者戡亂克敵成立而民服也天下雖安不忘戰也教者人倫禮樂文者華飾詞章也五者備則德足以懷天下法足以守天下武足以威天下教足以化天下文足以柔天下三代是也故其享國各六七百年而周以文勝故其後褒弱儒者之論曰聖王之治天下不任法而任德左武而右文烏呼秦隋滅德作威固所以速取滅亡若宋徽祖削平僭亂使海內得離戰爭之苦真仁相繼數

十年深仁厚澤德可謂隆矣微道德之士用詞臣教至而文盛矣乃當其盛屈首遼夏含恥忍辱暨青城之役舉族北轅豈文德有不足與法不善武備不修所致也且天下之生久矣世既變所以治世之具不得不與之俱變干戈以易揖讓聖人所以治三代之世者已不同於唐虞而或者乃於千餘年之後鰥鰥然據遺文以爲畫衣冠異章服而民不犯舞干羽可以克敵於是講法令則以爲申韓論設險則曰在德不在險談兵法則深疾痛惡而以爲民之賊而其所恃以治天下之具則訓故詩書談性命委悉周詳於縣文曲貌烏呼世風日下亂臣賊子愈出而愈險國家之患愈出而愈烈唯法以制之威以讐之使之形格勢禁而不得爲亂各安其所而不必爲亂震懾畏伏而不敢爲亂如此而已若徒恃區區儒者之論以治天下必四海之內

荒服之外盡爲善夏而後可否則揖讓而泊豹虎推赤心以化  
蛇豕其不害於家國者幾何哉吾謂三代而下立國最善者其  
如漢高光救民水火文景明章休息愛養其德也刈羣雄誅暴  
亂其武也尊儒術崇孝弟授遺經其教也文也至於掄才不分  
文武任賢不拘資格蕩軼簡易使人人得以盡其才其立法之  
尤善者夫豈唐宋所得及與然唐之德固無愧於漢文武分而  
武臣未嘗不重後代綱紀雖弛而人才未嘗不得盡其用又豈  
可與宋之孤立微弱文法密而武備弛者同日論哉要之德不  
足以懷天下國雖強民必叛法不足以守天下武不足以威天  
下德雖厚國必削三者備矣而教不足以化天下勢雖固而倫  
紀不修人或近於禽獸四者備則治國之道全矣文者其餘耳  
至於魏晉南北朝五代之君四者俱失而僅存其文或獨用其

武或五者俱失故其亡也或數十年或數年而北魏立國最強雖無大功德於民而君臣代有賢人故享國獨久及至孝文修明禮樂粲然稱極盛而魏氏之衰卽基於此嗟呼後之君臣徒欲以文治天下亦安見賦詩可以退敵而大學章句足解厓山之禍也乎吾故爲之說曰爲天下者德以爲本而法與武教與文輔之五者之中不急者唯文也四者闕一不可以爲國矣不急者唯文也

立國論

黃叔琳——弟叔璚

叔琳叔璚見先賢傳

叔琳督學山東時毅然以興賢育才爲己任捐修三賢祠於泰山之麓奉宋胡安定孫明復石徂徕歆薦如舊俾學者知所景

從又興復白雪松林兩書院延師儒選才雋捐備膏火造士多

窮經敷用之英翕然稱盛

北學編

甲戌秋叔琳行年八十有三授尹嘉銓史通訓故補注嘉銓讀至疑古惑經二篇請於叔琳欲取昌黎削苟揚不合聖籍之義酌爲節刪毋致貽誤來學叔琳怡然從之且作後序以志過

尹嘉

銓黃崑圖傳跋

叔璫則嚴厲自持其學以立誠爲本要其功於篤敬晚號篤齋

以自勗云

北學編

朱筠——弟珪

筠珪見先賢傳

筠教士有式謂士必先治經治經必先通文字訓詁周公作爾



雅釋詁居首保氏教六書說文僅存於是班布許氏說文解字  
使學官子弟知所謂習故其從之者皆誦說前訓敷揚經術彬  
彬然稱雅徒也

又獻徵  
存錄

夫許君之爲書也一日世人詭更正文鄉壁虛造不可知之書  
一日諸生競說字解經誼稱秦之隸書爲倉頡時書一日廷尉  
說律至以字斷法皆不合孔氏古文謬於史籀恐巧說衰辭使  
學者疑於是依據宣王太史籀大篆十五篇丞相李斯倉頡篇  
中車府令趙高爰歷篇太史令胡毋敬博學篇黃門侍郎楊雄  
訓纂篇諸書又雜采孔子楚莊王左氏韓非淮南子司馬相如  
董仲舒京房衛宏數十家之說然後成之又曰必遵舊文而不  
穿鑿又曰非其不知而不問蓋其發揮六書之指使百世之下  
猶可以窺見三古制作之意固若日月之離天江河之由地其

或文奧言微不盡可解亦必明者之有所述師者之有所授後  
學小生區聞陋見不得而妄議已易曰書不盡言言不盡意敝  
其大要約有四端一曰部分之屬而不可亂敘曰其建首也立  
一爲端據形聯系引而申之以究萬原畢終於亥是以徐鍇作  
繫傳有部敘二卷本易敘卦傳爲之推原偏旁所以相次之故  
便五百四十部一字不紊今起東旣疑韻書而比類又從字體  
便於檢討實昧聲形自李燾之五音韻譜作而部分紛然自亂  
其例矣一曰字體之精而不可易夫篆本異文而今同一首者  
奉奏春秦秦是也篆本同文而今異所從者尠從徒是也賊  
之从戈則聲而改从戎賴之从貝刺聲而改从負半譌也縣之  
爲舜蓋之爲壺囟之爲曲肅之爲爵全譌也以氣化之氣當乞  
而氣牽之氣遂當氣於是有俗餽字以菱飼之菱當媛而飢餒

之餒當菱於是有俗餒字此因一字以譌數字者也何己从刀而又从肉州己从川而又从水既重其類璽从土而又从土蜀从虫而加虫又重其从此并二字以譌一字者也从者失从滋者不滋自隸一變之稍再變之而字體莫之辨識矣一日音聲之原可以知農之从晨窗聲玉篇窗窗同考工記匠人四旁兩夾窗窗一音恩徐鍇以爲當从凶乃得聲非也移之从禾多聲古音戈多反楚辭夫聖人者不凝滯於物而能與世推移舉世皆濁何不濁其泥而揚其波徐鍇以爲多與移聲不相近非也能之足似鹿从肉吕聲古音奴來反詩其湛日樂各奏爾能賓載手仇室人入又酌彼康爵以奏爾時徐鉉等以爲吕非聲疑象形非也摘之从手啻聲陟革反去聲則陟寔反啻與商同文摘與適同聲詩勿予禍適稼穡匪懈徐鉉等以爲當从適省乃得

聲非也此音聲之可據者也一日訓詁之遺可以補易其牛幫  
猪一角仰也爾雅皆踊幫郭注今豎角牛也書西伯既戒黎戎  
从戈今聲殺也不當作戔戔刺也詩深則砢砢从冰从石履石  
渡水也在彼淇厲蒙梁而言亦此訓也得此觀觀一爲窺窺  
鼃詹諸也縞衣縹巾縹从糸卑聲未嫁女所服處子也周禮兆  
五帝於西郊兆畔也爲四時界祭其中也春秋傳修涂梁澠澠  
荆州浸也職方氏豫州其浸波澠鄭注春秋傳曰楚子除道梁  
澠則澠宜屬荆州在此非也關碧之甲碧水邊石也論語小人  
窮斯嫗矣嫗从女監聲過疊也孟子唯唯猶沓沓唯唯多言也  
沓沓語多沓沓也所謂言則非先王之道也爾雅西至汎國謂  
西極汎从水八聲西極之水也廣韻汎府巾切西方極遠之國  
又普八切西極水名也不當作邠邠周太王國也此詁之可據

者也部以屬之體以別之音以審之訓以繫之文字之事加諸  
蔑矣後之非毀許君者或摘其一文或泥其一說歷代以來不  
量與據要無足論惟近日顧氏炎武修紹絕業學者所宗而於  
是書亦有不盡然之言竊恐贅說附聲信近疑遠是不可以不  
辨今如所舉秦从禾以地宜禾宋从木爲居僻从辛爲舉威爲  
姑也爲女陰毆爲擊聲困爲故廬音爲日無色貉之言惡犬之  
字如畫狗有日不宜有襄爲解衣耕弔爲人持弓會毆禽辱爲  
失耕時與爲束縛捽捽罰爲持刀罵詈勞爲火燒門宰爲舉人  
在屋下執事寘爲十六日月始虧荆爲刀守井凡此諸說皆始  
造文字取用有故必非許君之所創作書契代遠難以強說復  
不當刪是以觀象闕文之訓明著於敘豈得以勦說穿鑿橫暴  
先儒乎至若江別汜涇鳥殊舉已逮救各引載旆爲拔當時孔

壁古文未亡齊魯韓三家之詩具在眾音雜隲殊形備視豈容  
廢百舉一去都卽鄙耶又言別指一字以鎔當劉以粵當由以  
繞當免此說亦非按本書之例从某者有其部也某聲者有其  
字也劉之从水劉聲紬之从絲由聲勉之从力免聲俱著於篇  
乃知書闕有間傳寫者之過謂別指一字以當之者繆矣記曰  
今人與居古人與稽居不當爲法古乎易曰是興神物以前民  
用用不當爲法古乎費誓之費改爲柴訓爲惡米按陸德明經  
典釋文曾子問注作柴誓柴音秘鄭君說也童爲男有皐按易  
喪其童僕作童至僮之字國語使僮子備官而未之聞韋昭注  
僮僮蒙不達也史記樂書使僮男僮女七十人俱歌本書敘尉  
律學僮十七已上亦同當知僮子之僮从人皐人爲奴者正作  
童也訓參爲商星乃連大書讀參商星也卽如水部河水出焯

煌塞外泐澤在昆侖下之例明參與商同爲星非參商亦不知也其引齊之郭氏及樂浪事古人往往隨事博徵不拘拘一說也至援莽傳及識記以劉之字爲卯金刀謂許君脫其文按劉之字从刀从金卯聲卯古酉字非卯也識記不可以正六書後漢書光武紀論王莽以錢文有金刀改爲貨泉或以貨泉字爲白水真人於篆貨或近真人泉豈得爲白水耶五行志獻帝初僮謠曰千里草何青青十日卜不得生以千里草爲董十日卜爲卓按重字从壬東聲非千里草早字爲日在甲子非十日卜又可據以爲證乎又援魏太和初公卿奏於文文武爲斌古未嘗無斌字按彬字从彡从林爲文質備文武之字經典闕如不知所从無以下筆徐鉉列之俗書是也又可據魏以疑漢乎凡顧氏所說皆不足以爲許君病輒附疏之用詔學者

重刊說文解字序

華陽吳祖椿校



故事志五

光緒順天府志六十九

祥異

黃岡洪良品纂江陰繆荃孫校輯

劉知幾曰災祥之作以表吉凶古之國史聞異則書見於春秋其事非一顧北燕之名亦列魯史而告災無徵史記鄒陽傳荆軻慕燕丹之義白虹貫日太子畏之此一隅徵異之始自漢興儒者攷洪範釋陰陽班固以五行編而爲志歷代因之茲編斷自漢初迄於

昭代九水七旱堯湯不免拱穀雒雉中高迺警斯亦修省之一鑑云志祥異

漢

文帝三年秋大雨晝夜不絕三十五日燕壤民室八千餘所殺三百餘人

漢五行志

征和二年春涿郡鉞官鑄鐵銷皆飛上去

漢五行志

元鳳元年燕城南門災

漢五行志

燕王都薊大風雨拔宮中樹七

圍以上十六枚壞城樓

漢五行志

九月燕有黃鼠銜其尾舞王宮端

門中王往視之鼠舞如故王使吏以酒脯祠鼠舞不休一日一夜

死

漢五行志

有鳥與鵲鬪燕王宮中池上鳥墮池死

漢五行志

燕王宮

永巷中豕出園壞都竈銜其脯六七枚置殿前

漢五行志

虹下屬燕

王宮宮中井水皆竭

漢紀

後漢

建武中潞縣火災起城中飛出城外燔千餘家殺人

漢五行志

永元

二年春二月壬午日食時史官不覺涿郡言之

東觀漢記

延光四年

秋七月乙丑漁陽城門樓災

後漢五行志

中平二年二月癸亥廣陽

城門外上屋自壞

後漢五行志

魏

景初元年十月壬申太白晝見在尾歷二百餘日恒晝見占曰尾

為燕有兵晉天正始元年十月乙酉彗星見西方在尾長三丈

占曰尾為燕晉天

晉

咸甯二年木連理生燕國宋符太康元年四月庚午范陽縣雨

雹宋五六年三月幽冀郡國旱晉五七年六月木連理生范

陽宋符九年幽州塞北有死牛語晉五幽州有犬鼻行地三

百餘步晉五元康四年居庸地裂廣三十六丈長八十四丈水

出晉五永甯元年自夏及秋青徐幽并四州旱晉五光熙元

年五月范陽國地然可以爨宋五永嘉四年夏五月幽并司冀

秦雍等六州大蝗食草木牛馬毛皆盡晉懷永昌二年十二月

幽冀并三州大雨晉五按宋五太甯元年十二月幽冀

并三州大雪

晉五行志  
宋五行志

咸康八年十月燕國白貉見

宋符瑞志

永

和八年六月辛巳日未入有流星大如三斗魁從辰巳上東南行

推之在箕斗之間燕分也

晉天文志

十年四月癸未流星大如斗色

赤黃出織女沒造父有聲如雷占曰燕齊有兵百姓流亡

晉天文志

前秦

幽州蝗廣袤千里

鄭樵通志

後燕

太元九年幽冀人相食

晉書符堅載記

太元十八年二月客星在尾中

至九月乃滅占曰燕有兵喪

晉天文志

後魏

天興七年九月溫泉出於涿鹿人有風寒之疾入者多愈

冊府元龜

泰常元年十月范陽郡上言木連理

魏書靈徵志

神䴥元年二月甘

露降于范陽郡

魏書靈徵志

九月章武郡獻白兔

魏書靈徵志

太延元

年有鄙婦人持方寸玉印詣潞縣侯孫家既而亡去莫知所在印

有三字爲龍鳥之形要妙奇巧不類人迹文曰旱疫平

文獻通考物異門

二年十一月丁亥幽州地震

魏靈徵志

延興二年四月幽州獻白

鵲

魏靈徵志

承明元年九月幽州民齊淵家杜樹結實既成一朝盡

落花葉復生七日之中蔚如春狀

魏靈徵志

太和五年州蝗

魏靈徵志

七年十一月辛巳幽州雷電城內盡赤

魏靈徵志

十七年正月幽州

獻白雉

魏靈徵志冊府元龜

景明元年二月癸巳幽州暴風殺一百六十

一人

魏靈徵志

四年六月幽州獻三足鳥

魏靈徵志冊府元龜

正始元年夏

五月幽州獻三足鳥

魏靈徵志冊府元龜

三年六月丙申安州霰霜

魏靈徵志

孝明帝延昌四年十二月幽州獻白雉

魏靈徵志冊府元龜

熙平元年

八月幽州獻嘉禾三本同穗

冊府元龜徵志作熙平二年

正光元年十

月幽州獻白鳥

魏靈徵志

冊府元龜

東魏

天平三年八月涿州隕霜大飢

涿州吳志

武定元年七月幽州獲白

狐以獻上

魏靈徵志

冊府元龜

北齊

天保十年幽州大蝗

文獻通攷

周

開皇八年四月幽州人家以白楊木懸竈上積十餘年忽生三條

皆長三尺餘甚鮮茂

隋五行志

大業四年燕代緣邊諸郡旱

隋五行志

唐

武德九年七月幽州慶雲見

冊府元龜

貞觀三年五月乙丑幽州麟

見

冊府元龜

十三年八月幽州獻嘉禾一莖九穗

冊府元龜

幽州桃谷

山地常有火文獻通攷物異十五年十一月幽州言五色雲見冊府元龜

龍朔二年夏四月無終戍城火災門樓及人家屋宇並煨燼唯二

精舍及浮圖并佛龕上紙簾蘧蔭等但有佛像獨不延燒法苑珠林

延和元年六月幽州都督孫佺帥兵襲奚出軍之日有白虹垂頭

于軍門其夜大星落于營內幽州界內鴟烏鳴焉等並隨軍去朝野

愈開元二年七月蝗三河陳志二十二年八月幽州奏千秋節日

有慶雲見于夷軍又安次縣百姓家產連理樹及大麥一十八莖

穗秀兩歧冊府元龜二十五年四月丁卯幽州慶雲見冊府元龜天寶

九載八月五星聚于尾箕熒惑先至而又先去尾箕燕分也新書天文

志天寶中幽州謠曰舊來誇載竿今日不堪看但看五月裏清

水河邊見契丹新書五行志建中元年幽鎮魏博大雨易水滹沱橫

流自山而下轉石折樹水高丈餘苗稼蕩盡新書五行志貞元八年

秋大水害稼幽州平地水深二丈涿薊檀等州皆深丈餘

新書五行志

十三年九月甲子幽州奏甘露降

冊府元龜祥驗集

長慶二年七月

幽州奏道有李樹兩根並生相去七寸連理去地二尺合為一幹

向上一體外分枝葉高一丈三尺有實二百二十一顆

文獻通攷物異門

寶歷二年春范陽節度使朱克融獵鹿膽中得珠如彈丸黑色

初輒後硬如石光明

祥驗集

開成五年夏幽州螟蝗害稼

新書五行志

光啟元年正月幽州坊谷地常有火

新書五行志

大順二年六月

乙酉幽州市樓災延及數百步

新書五行志文獻通攷

五代

漢乾祐二年四月丁丑幽州地震

舊五代史五行志

後周

廣順二年大水安次流民入寨者四萬口

東安李志



宋

太平興國七年七月易水溢

宋太宗本紀

端拱元年三月霸州大雨

雹殺麥苗

宋五行志

大中祥符元年幽州旱

宋真宗本紀

九年九月雄霸

州界河泛溢

宋五行志作九月癸卯

按真宗紀雄霸河溢

嘉祐元年六月渾河決劉

家莊隄

東安李志

二年幽州地大震大壞城郭覆壓者數萬人

宋五行志

按仁宗紀二年下多四月丙寅四字

熙寧元年秋霸州山水漲溢保定軍大水

害稼壞官私廬舍城壁漂溺民居

宋五行志

宣和五年燕山府路旱

宋五行志

遼

會同四年冬十月辛丑燕薊大熟

遼太宗本紀

慶曆三年冬南京水

遼穆宗

宋本紀

統和元年九月丙辰南京留守奏秋霖害稼

遼聖宗本紀

統和九年六月南京霖雨傷稼

遼聖宗本紀

九年南京地震

遼聖宗本紀

十一年七

月己丑桑乾河溢居庸關西害禾稼殆盡南京居民廬舍多墊溺

者遼聖宗紀十二年正月癸丑朔鄆縣鎮水漂溺者三十餘村遼聖宗紀

三月己巳涿州木連理遼聖宗紀開泰六年六月南京諸縣蝗遼聖宗紀

宗紀十月丁卯南京路饑遼聖宗紀太平六年二月己巳南京水遼聖宗紀

宗紀景福元年七月庚戌薊州饑遼聖宗紀清甯三年七月甲申南

京地震遼聖宗紀按考異長編載四月丙寅契丹幽州地震

十年南京大熟遼聖宗紀咸雍三年南京旱蝗遼聖宗紀四年七月南

京霖雨地震遼聖宗紀十月永清武清安次固安諸縣水遼聖宗紀太

康二年二月癸丑南京路饑遼聖宗紀九月戊午南京蝗遼聖宗紀十

一月南京地震民舍多壞遼聖宗紀三年五月安次蠓傷稼遼聖宗紀

九月南京大熟遼聖宗紀七年五月永清武清固安三縣蝗遼聖宗紀

八年七月南京霖雨沙河溢永清安次武清香河傷稼遼聖宗紀大

安四年正月南京饑遼道宗紀 八月永清宛平蝗為飛鳥所食遼道宗紀

八年十一月通州潦水害稼遼道宗紀 壽隆三年二月南京水道遼道宗紀

宗紀 壽昌四年十月水固安陳志 按遼史有壽隆無壽昌順天方志各載之與遼碑合是遼史之誤

七年五月蝗固安陳志 乾統三年二月武清大水遼天祚帝紀 七月南

京蝗遼天祚帝紀

金

皇統八年四月中京小雨大雷羣犬數十爭赴土河而死所可救

者纔二三耳大金國志 正隆二年六月壬辰蝗飛入京師金熙宗紀 秋

中都蝗金熙宗紀 六年六月壬戌大風壞承天門鴟尾金熙宗紀 大定

二年閏月辛卯太和厚德殿火金世宗紀 按金五行志載世宗

六位焚延及太和厚德殿 三年五月中都蝗金世宗紀 四年三月庚子夜京師

地震七月辛丑大風雨拔木十一月辛丑尙書省災金五行志 五年

六月甲辰大安殿楹產芝其色如玉丙午京師地震有聲自西北

來殷殷如雷地白毛七月戊申又震十一月癸酉大霧晝晦金五行志

地按金世宗紀載大定五年六月甲辰芝產大安殿柱丙午京師地震雨毛七月戊申朔京師地復震十月丁丑朔地震與此微異

九年中都水金世宗紀十三年八月丁丑策試進士於憫忠寺夜

半忽聞音樂聲起東塔上西達於宮攷官完顏蒲捏李晏等以為

文運始開得賢之兆金五行志十六年中都旱蝗金五行志十七年七

月大雨盧溝水溢金五行志二十年四月己亥大甯宮門火五月丙

寅京師地震生黑白毛金五行志二十一年夏三河大水三河陳志二

十三年正月辛巳廣樂園燈山焚延及熙春殿三月乙酉氛埃雨

土四月庚子亦如之五月丁亥雨雹地生白毛金五行志二十七年

四月辛丑京師地震金五行志二十九年五月丁未地生白毛金五行志

明昌四年三月太白晝見京師地震北方有赤氣遲明始散

志

金史五  
行志

六年二月丁丑京師地震大雨雹晝晦大風震應天門

右鴟尾壞

金史五  
行志

八月大雨震電有龍起於渾儀鼇趺臺忽中

裂而摧儀仆於臺下

金史五  
行志

泰和四年三月丁卯大風毀宣陽

門鴟尾四月旱壬戌萬甯宮端門災

金史五  
行志

三月中天以北其

色殷紅如血

大金  
國志

五年九月戊子金中都西北方黑雲間有赤

氣如火色次及西南正南東南方皆有白氣貫其中至中夜赤

氣滿天四更乃盡

續通  
鑑

八年六月戊子飛蝗入京畿八月乙酉

有虎至陽春門外駕出射獲之時又有童謠云易水流汴水流百

年易過又休休兩家都好住前後總成留

金史五  
行志

大安二年十一

月京師民周修武宅前渠內火出高二丈焚其板橋又旬日大悲

闕幡竿下石隙中火出高二三尺人近之即滅凡十餘日自是都

城連夜燔焚二三十處

金史五  
行志

三年二月大風通元門重關折東

華門重閣折三月大慙閭災延及民居有黑氣起北方廣長若大

隄內有三白氣貫之如龍虎狀

金章宗紀

崇慶元年七月辛未未時

有風從東來吹帛一段高數十丈宛轉如龍墜於拱辰門內

金五行志

至甯元年八月癸巳海水不潮寶坻鹽司懼其虧課致禱無應

九月丙午乃潮

金五行志

貞祐二年六月潮白河溢漂古北口鐵裏

關門至老王谷

金五行志

帝詣蓬萊閣觀音祠燒香過浮碧池望池

南有二狐相攜以過逐之各登樹而走內侍曰幾日此物甚多有

戲舞于宣華殿前者帝拊髀曰怪變如此不去可乎時宮殿妖異

多此類

大金國志

四年東安大饑人相食

東安李志

元

中統二年固安王得林妻張氏懷孕五月生一男四手四足圓頭

三耳一耳附脰後生而即死

元五行志

四年六月壬子燕京諸路蝗

元世祖 七月昌平縣雨雹害稼元五 至元三年三月寶坻饑

元本紀 五年十二月固安州饑元世 六年十二月固安饑固安陳志

祖紀 七年四月檀州隕霜元五 八年五月京師大霖雨都城崩圯

元五 六月中都等縣蝗十月己未檀順等州風潦害稼元世

行志 九年四月京師饑元五 十五年春薊州雨血元五 十七年八

月大都水元世 二十年十月涿州巨馬河溢元五 二十一年

四月己亥涿州巨馬河決衝突三十餘里元世 九月戊子京師

密雲地震元五 二十三年霸州鄆州蝗元五 五月京畿旱元五

行志 六月大都涿鄆檀順薊五州水元五 十一月丙子涿易二

州良鄉寶坻二縣饑元世 三十四年三月大都饑元世 六月

乙亥霸州益津縣霖雨傷稼十一月大都路水元世 二十五年

七月霸鄆二州霖雨害稼元世 二十六年八月壬子霸州大水

辛酉大都路霖雨害稼涿州饑十月通州河西務饑民有鬻子去

之他州者丙申寶坻屯田大水害稼閏十月檀州饑元世祖紀二十

七年三月薊州漁陽等處稻戶饑元世祖紀八月昌平地震昌平志

二十八年七月癸酉京師赤氣滿天如火照人自寅至辰氣餒

方息元五二十九年二月東安固安薊州寶坻縣饑元世祖紀二

月東安固安薊州四州饑元五三十年六月壬子大興縣蝗元世祖紀

十月京師饑元五三十一年五月大都路武清縣雹元世祖紀

六月東安州蝗元五嘉禾生京畿一莖九穗元五元貞元

年七月大都路雹元成宗紀二年六月大都路蝗元成宗紀大都路益

津保定大興三縣水損田稼七千餘頃元五五年癸亥三河大

水三河陳志六年夏五月太廟寢殿災通鑑八年春正月京師地

震通鑑大德元年七月大都涿順固安三州蝗元五十二月

震通鑑



大都之檀州等水元成宗紀 二年二月大都檀州雨雹元成宗紀 三年

五月通薊二州水元五行志 八月大都水元成宗紀 五年四月大都等

蟲食葉六月七月大都路水元成宗紀 六年五月東安州渾河溢壞

民田一千八百餘頃元五行志 七月大都諸縣蝗元成宗紀 九年春二

月隕霜殺桑元平昌志 五月大都旱六月武清蝗元成宗紀 八月涿州

良鄉等縣蝗元五行志 十年四月大都眞定等郡蝗元五行志 五月辛

未大都旱復蝗元成宗紀 鄆州水害稼元五行志 至大元年六月戊戌

大都饑元成宗紀 二年六月霸州檀州涿州良鄉等處蝗元武宗紀 涿

州范陽縣東安州宛平縣固安州霸州益津永清等縣雨水害田

稼七千六百九十餘頃元五行志 懷柔蝗元懷柔吳志 三年五月密雲蝗

密雲丁志 懷柔蝻元懷柔吳志 四年六月大都三河潞縣雨水元五行志 八

月芝生國學大成殿元五行志 皇慶元年二月東安渾河決黃蝸隄

東安 李 志 通 鄧 州 饑 元 仁 宗 紀 三 月 壬 子 隕 霜 雨 毛 鑑 通 二 年 五 月

檀 州 蝗 元 仁 宗 紀 六 月 涿 州 范 陽 縣 東 安 州 宛 平 縣 固 安 州 霸 州 益

津 永 清 等 縣 雨 水 壞 田 稼 元 五 行 志 京 師 地 震 通 鑑 九 月 京 畿 大

旱 元 五 行 志 冬 京 師 大 疫 元 五 行 志 延 祐 元 年 大 都 檀 薊 等 州 冬 無 雪

至 春 草 木 枯 焦 元 五 行 志 六 月 涿 州 范 陽 房 山 二 縣 河 溢 壞 民 田 四

百 九 十 餘 頃 元 五 行 志 八 月 薊 州 地 震 薊 州 志 二 年 春 檀 薊 鄆 三 州

旱 元 五 行 志 三 月 芝 生 大 成 殿 元 五 行 志 七 月 畿 內 大 雨 鄆 州 昌 平 香

河 寶 坻 等 縣 水 沒 民 田 廬 元 仁 宗 紀 三 年 五 月 薊 州 雹 積 三 尺 元 五 行 志

四 年 十 月 己 巳 大 都 南 城 產 嘉 禾 一 莖 十 一 穗 元 仁 宗 紀 五 年 七

月 芝 生 大 成 殿 元 五 行 志 六 年 滹 沱 河 決 文 安 大 城 等 縣 滹 河 溢 壞

民 田 廬 鑑 通 七 月 霸 州 大 城 縣 雨 害 稼 三 千 餘 頃 元 五 行 志 七 年

霸 州 蝻 元 五 行 志 五 月 滹 河 決 落 堡 村 隄 東 安 李 志 八 月 霸 州 文 安 大

城二縣憐花河溢害稼

元五  
行志

至治元年五月丁丑霸州蝗

元英  
宗紀

六月霸州大水渾河溢被災者三萬餘戶

元五  
行志

渾河溢被災

者二萬三千二百餘戶時大雨憐花河及巨馬河俱溢

通鑑  
縣覽

七

月戊寅通州潞縣水決庚辰范陽縣巨馬河溢乙酉大雨渾河防

決薊州平谷漁陽等縣大水

元英  
宗紀

十二月通州水

元英  
宗紀

二年

四月霸州饑

元五  
行志

正月潞州霸州固安州永清縣饑

元英  
宗紀

五

月密雲大風雨雹柳林行宮內大木拔

密雲  
丁志

九月京師地震

通鑑

覽 三年五月東安州水壞民田一千五百餘頃六月大都永清

縣雨水損田四百頃七月潞州雨水害稼

元五  
行志

泰定元年夏四

月大風地震

通鑑  
縣覽

昌平大旱

昌平  
宋志

七月檀州雨雹房山寶坻

等縣大風電折木傷稼

元五  
行志

潞州固安州水七月大都路固安

州清河溢

元五  
行志

大都蝗

元五  
行志

二年正月大都寶坻縣雨水

元五

行志 二月庚戌通潮州薊州寶坻縣饑元泰定帝紀 四月涿州房山

范陽二縣水元五 五月大都路檀州大水平地深丈有五尺元泰

紀定帝 懷柔大水七月大雨懷柔吳志 六月通州三河縣大雨水丈

餘續通 八月檀州雨雹元泰定帝紀 霸州涿州永清香河二縣大

水傷稼九千五十餘頃元五 三年正月大都路屬縣饑元泰定帝紀

夏四月昌平大饑昌平朱志 七月大都諸路水大風雨雹涿霸等

州蝗檀順等州兩河決溢元泰定帝紀 寶坻甯河房山大風折木元五

行志 八月大都昌平等縣大風一晝夜壞民居九百餘家元五

四年四月檀薊等州漁陽寶坻香河等縣饑元泰定帝紀 六月大都

蝗元泰定帝紀 大都東安固安通順薊檀潮七州永清良鄉等縣雨

水元五 十月大都路諸州縣霖雨水溢壞民田廬續通 致和

元年四月大都薊州蝗元五 天歷二年涿州房山范陽等縣饑

元五  
行志  
五月戊午大都之東安薊州永清益津蓟縣春夏旱麥苗

枯元文  
宗紀  
六月大都東安通薊霸四州雨水害稼元五  
行志  
三年二

月京師大霜晝暉元五  
行志  
至順元年六月薊固安等州蝗元五  
行志

七月順州東安州風雹害稼元五  
行志  
二年二月檀順昌平州饑

元五  
行志  
三年五月戊寅京師地震有聲元五  
行志  
八月大都寶坻縣

饑元五  
行志  
京師地震通鑑  
元統元年夏五月京師地震通鑑  
輯覽

六月京畿大霖雨水平地丈餘元五  
行志  
二年春三月旱秋八月地

震昌平  
宋志  
三年夏六月昌平大霖雨凡十三日昌平  
宋志  
四年夏四

月昌平大雨紅沙晝晦昌平  
宋志  
後至元二年八月大都至通州霖

雨大水元五  
行志  
三年八月辛巳夜京師地震壬午又大震損太廟

神主西湖寺神御殿壁傾祭器皆壞元五  
行志  
按續通鑑云三

廟梁柱裂各室牆壁皆壞壓損儀物文宗神主及御床盡碎西湖  
寺神御殿壁傾三日御河沁河輝河皆溢役人畜田廬不可勝計

十二月中都蝗

元順帝紀

歲大饑

元五行志

四年四月辛未京師雨

紅沙晝晦

元五行志

八月丙子京師地震日凡二三至己酉乃止

元五行志

行志

京師白虹亘天

元五行志

壬寅三河雨雹害稼十九年蝗食苗

稼草木俱盡

三河陳志

五年秋芝草生於中書工部之屋梁一木七

幹

元五行志

八月京師童謠云白雁望南飛馬札望北跳

元五行志

六

年二月京畿大水

元五行志

冬京師無雪

元五行志

至正元年二月大

都寶坻縣饑三月涿州范陽房山饑四月朔州河西務饑

元順帝紀

二年十二月京師地震

元五行志

三年夏大都桑果葉皆有黃色龍

文

元五行志

四年五月霸州大水

元五行志

五年正月薊州地震

元順帝紀

帝紀

六年十月國子學大成殿松柏樹有甘露降其上

元五行志

七

年春正月甲辰朔大寒而風朝官仆者數人

通鑑輯覽

八年五月丁

酉朔大霖雨京城崩

續通鑑

十年春麗正門樓斗拱內有人伏其

中不知何自而至遠近聚觀之門尉白留守達於都堂上聞有旨

令取付法司鞫問但云薊州人問其姓名詰其所從來皆惘若無

知唯妄言禍福而已乃以不應之罪笞之忽不知所在元五 行志十

三年六月薊州大水元順 帝紀十一月庚戌京師無雲而雷元五 行志

十四年京師大饑加以疫癘民有父子相食者續通 鑑六月薊州

雨雹元五 行志秋薊州大水元五 行志冬十二月大都大饑疫民有父

子相食者通鑑 輯覽十五年京師童謠云一陣黃風一陣沙千里萬

里無人家回頭雪消不堪看三眼和尚弄瞎馬元五 行志薊州雨血

續通 鑑十六年薊州地震續通 鑑十七年秋七月大都晝霧自旦

至午昏暝不辨人物如是旬有五日通鑑 輯覽薊州大水元順 帝紀十

八年春薊州旱蝗元五 行志七月京師大水蝗民大饑續通 鑑秋京

師及薊州皆大水元五 行志十九年京城有鴟鶚百羣夜鳴至曉連

月乃止居庸關子規啼續通鑑

正月至五月京師大饑通州民劉

五殺其子而食之元五行志大都霸州通州蝗食禾稼草木俱盡所

至蔽日礙人馬不能行填坑塹皆盈饑民捕蝗以為食或曝乾而

積之又罄則人相食元五行志五月通州雨雹害稼元五行志永清縣

蝗食禾稼草木皆盡人相食永清縣志二十年五月薊州雨雹終日

元五行志通州旱元五行志二十一年霸州饑民多孥死元五行志二十

二年京師有白氣如小索起危宿長五百丈掃太微元五行志七月

涿州河決范陽縣漂民居涿州吳志二十三年五月霸州民王馬駒

妻趙氏一產三男六月豪家務李閨妻張氏一產三男元五行志七

月戊辰朔京師大雨雹傷禾稼續通鑑二十五年五月甲子京師

雨菴長尺許如馬鬃元五行志六月戊申京師大雨有魚隨雨而落

長尺許人取而食之元五行志秋薊州大水元五行志二十六年秋薊



州四縣大水害稼元五 二十八年二月癸卯京師武器庫災元五

行志 六月甲寅雷雨中有火自天墜焚大聖壽萬安寺七月癸酉

京城紅氣滿空如火照人乙亥京城黑氣起百步不見人續通鑑

二十九年寶坻大饑寶坻洪志

明

洪武四年北平旱明五 五年五月癸丑夜中都皇城萬歲山雨

水雹大如彈丸明五 六年七月北平蝗明五 七年夏北平旱

北平所屬州縣饑明五 八年夏北平蝗明五 十一年七月北

平府大水壞城垣明五 十五年北平大水明五 十七年北平

水明五 十八年文安保定旱文安楊志 二十四年北平水明五

二十九年二月辛丑通州火燔屋千九百餘通州高志 三十三年文

安大水平地水三尺文安楊志 建文元年三月乙卯夜燕王營於文

安蘇家橋大雨平地水三尺及王卧榻明五七月癸酉燕王起

兵風雲四起咫尺不辨人少焉東方露青天尺許有光燭地洞徹

上下明五永樂元年十一月甲午北京地震明五二年八月

霍雨壞北京城五十餘丈明五五年順天饑明五七年六月

渾河決固安明五十年七月盧溝水漲壞橋及隄岸溺死人畜

保定縣決河岸明五十一年八月甲子地震明太十二年九

月密雲後衛霍雨壞城明五十三年順天饑明五正月壬子

北京午門災明成九月壬戌北京地震明成十四年七月丁

酉遣使捕北京州縣蝗明成九月北京地震通鑑十八年六

月丙午北京地震明成大城文安大水文安十九年四月庚

子奉天華蓋謹身三殿災明成二十年閏十二月乾清宮災明成

紀祖二十二年四月霍雨壞密雲及薊州城明五永樂間北京

得白鵲舊聞攷 洪熙元年正月癸未京師一冬不雪明五行志 六月

驟雨白河溢衝決河西務白浮宋家等口隄岸明五行志 七月渾河

決盧溝橋東狼窩口順天水明五行志 閏七月京師大雨壞正陽齊

化順成等門城垣九月久雨壞密雲中衛城明五行志 宣德元年七

月癸巳京師地震明宣宗紀 三年六月渾水溢盧溝河隄百餘丈明五行志

行志 四年正月京師地震明宣宗紀 春三月文安饑文安楊志 六月順

天州縣蝗明五行志 十二月京師地震明宣宗紀 五年六月近畿蝗明五行志

宗紀 六年六月渾河溢決徐家等口順天水明五行志 九年二月庚

午京城東南樓火明五行志 六月甲子雷震大祀壇外西門獸吻明五行志

行志 渾河決東岸自狼河口至小屯廠順天水明五行志 正統二年

文安蝗文安楊志 閏六月順天大水明五行志 七月順天霍雨傷稼明五行志

行志 二年京師旱街巷小兒爲土龍禱雨拜而歌曰雨帝雨帝城

隍土地雨若再來還我土地明五 又有羣兒環繞一人案月問

云正月裏狼來咬羊齊拒之至八月則放狼入水東 三年三月

已亥京師地震庚子又震甲辰又震者再六月乙未復震八月已

亥又震明五 通州白河溢明五 八月辛酉順天貢院火席舍

多焚改期再試明五 四年五月壬戌京師大雨雹明五 京師

大水壞官舍民居三千三百九十區明五 居庸關城壞昌平

六月乙未京師地震明英 丁酉京畿水明英 八月已亥京師

地震明英 白溝渾河溢決保定安州隄明五 五年夏順天蝗

明五 六年夏順天蝗明五 七月白河決武清潮縣隄明五

七年五月順天蝗明五 八年五月戊寅雷震奉先殿鴟吻明英

六年渾河決固安明五 九年閏七月壬寅雷震奉天殿鴟吻

明英 冬京畿內外無雪明五 十年二月丁巳京師地震明英

宗紀

五月癸巳通州右衛倉火明五行志 十一年二月辛酉異氣見華

蓋奉天殿明英宗紀 夏六月京師地震有聲明英宗紀 渾河溢固安明五行志

行志 十二年文安涿州蝗文安楊志涿州吳志 十三年寶坻縣民周本家

馬生角長二寸寶坻洪志 京師盛唱妻上夫墳曲婦女童幼俱習之

其聲懷恍靜夜聽之疑身在墟墓間野獲編 又童謠曰牛兒呵莽

著黃花地裏倘著你也忙我也忙伸出角來七尺長清俊小後生

青布衫白直身好个人屈死在鵲兒嶺二申野錄 四月雨水壞順天

古北口邊倉明五行志 秋七月京師飛蝗蔽天通鑑輯覽 十四年春正

月文安大城地震文安楊志大城張志 二月六日大風黃塵蔽天騎驢過

大通橋者風吹人驢皆墮水中溺死五月京師烈風晝晦二申野錄

夏順天蝗明五行志 景泰二年順天饑明五行志 七月癸丑京師地震

明五行志 三年宛平縣民福祥妻一產三男二申野錄 六月庚寅雷擊

宮庭中門傷人

明五行志

五年文安大旱

文安楊志

七月京師久雨九

門城垣多壞

明五行志

十月庚子京師地震有聲起西北迄東南

明五行志

志行

六年六月順天大水

明五行志

七年文安饑

文安楊志

天順元年

涿州大饑

涿州吳志

正月丁亥殺少保于謙都督范廣於市是日陰

霾四塞童謠云京城老米貴那里得飯廣鷺鷥水上走何處覓魚

噓二申野錄

六月己亥大風雨雹壞奉天門鳴吻

明英宗紀按五行志元年六月己

亥雨雹大如雞卵至地經時不化奉天門東吻牌摧毀通鑑輯覽六月大風震雷發屋拔木雨雹大如雞卵擊毀奉天門東吻正

陽門下馬牌飛擲郊外都人震恐

七月丙寅承天門災

明英宗紀

二年六月己卯雷

震擊大祀殿鳴吻

明五行志

三年四月順天連日烈風麥苗盡敗明五行志

志行

四年六月癸丑雷毀薊州倉廩四

明五行志

五年九月壬戌京

師地震有聲

明英宗紀

六年四月大城大水壞屋溺人

大城張志

七年

北畿旱

明五行志

二月戊辰會試天下舉人火作於貢院御史焦顯

扇其門燒殺舉子九十餘人

明五行志按二申野錄作百有十六人

七月密雲山

水驟漲軍器文卷房屋俱沒

明五行志

八年京畿連月不雨運河水

涸

明五行志

成化元年五月京師大風皇牆以西有聲如雨電視之

皆黃泥九子堅淨如櫻桃大破之中有硫黃氣

二申野錄

六月畿東

大雨水壞薊州城堡八月通州大雨壞城及運倉

明五行志

二年冬

十一月朔京都有若霧者從東來著樹並草莖皆白少頃堆積枝

柯間玲瓏如花雕鏤其狀

二申野錄

四年戊子五月京師大旱

二申野錄

八月癸巳辰刻京師地震有聲

二申野錄

六年庚寅二月二十八

日為清明節節後三日辰時都下大風從西北起下雨如血天色

如絳紗日色如暮夜空中非燈燭不能辨直至午未間始開朗

野獲

編補

四月順天大水

采訪

五月通州張家灣等處被水軍民

二千六百六十戶漂損房舍六千四百九十處

二申野錄

七年辛卯

盤山有龍與蜘蛛鬪蜘蛛斃其皮如車輪然野錄 八年四月京

師久旱運河水涸明憲宗紀 九年文安旱文安楊志 大城蝗大城張志 七

月庚戌東直門災明憲宗紀 十一年四月壬辰乾清門災明憲宗紀 十

二年正月十三日上方南郊忽陰晦大風郊壇燈燭俱滅執幡麾

并樂官俱凍死野獲編 七月庚戌京師黑晝見民間男女露宿有

物金睛脩尾狀如犬狸負黑氣入牖直抵密室至則人昏迷徧城

驚擾操刃張燈鳴金鼓逐之不可得帝嘗朝奉天門侍衛見之而

譁帝欲起懷恩持帝衣頃之乃定明憲宗紀 十月辛巳京師地震明憲宗紀

大城通州薊州等處亦震有聲野錄 十三年正月妖狐出

見朝房野錄 四月京師大旱明憲宗紀 六月壬子雨錢於京師明憲宗紀

行 九月甲戌京師三震明憲宗紀 十四年八月戊申早朝東班文

官中若聞有甲兵聲眾皆辟易不復成列衛士皆露刃以備不虞



久之始定野獲編

十五年京畿大旱明五行志

十七年七月己亥雷

震郊壇承天門脊歇

明五行志

十八年七月昌平大水決居庸關水

門四十九城垣鋪樓墩臺一百二

明五行志

十九年密雲旱密雲志

二十年正月庚寅京師地震

明憲宗紀

天壽山密雲古北口居庸關

城垣墩堡多摧人有壓死者

二申野錄

二十一年五月壬戌京師地

震十一月丙寅又震

明憲宗紀

二十二年七月順天蝗

明五行志

二十

三年夏五月星隕京師大旱

二申野錄

秋文安大水是年兒童多爲

獨脚跳闕謂之撞拐卽古商羊讖也秋果大水

文安楊志

成化間武

清縣民家石臼與鄰家碌碡皆相滾至麥地上跳躍相關鄉人聚

觀以木隔之木皆損折闕不可解至晚方息鄉人以臼沈於汙池

中以碌碡墜深坎相去各百餘步其夜碌碡與臼復闕於池邊地

上麥苗俱壞乍前乍卻或磕或觸硜然有聲火星炸落三日乃止

二申 野錄 宏治元年四月天壽山震雷風雹樓殿瓦歇多壞明五行志

二年六月京師大水二申野錄 香河鬼兵動潞河東忽見人馬蔽野

竟無兵香河劉志 七月京師淫雨明孝宗紀 八月盧溝河隄壞明五行志

大城大雨雹大城張志 三年保定大水保定成志 十二月己未京師地

震明孝宗紀 四年五月密雲蝗密雲丁志 六月辛亥京師地震明孝宗紀

五年有異鳥三鳴於禁中野獫狁編 六年甯河鬼兵動潞河以東村

落居民奔駭渡河多溺死者甯河關志 五月北京東廠內地無故陷

二三丈廣亦如之又本月在京明時坊舖內白晝見二人進舖久

之不出管舖者疑之但見二衣委地傍有積血竟不見二人蹤跡

野獲編 閏五月丁未薊州大風雷拔木偃禾牛馬有震死者明五行志

秋八月京師大雨雹通鑑輯覽 七年七月乙巳京師地震明孝宗紀

十一月壬子京師地震明孝宗紀 八年文安大旱饑文安楊志 保定蝗

保定·十二月京師大震電天鼓鳴野獲編九年八月有黑熊自

都城蓮池緣城上西直門官軍逐下不能獲嚙死一人傷一人明

志行十年京營開操中軍大旗曳之不起墜死引繩千戶野獲編

十年正月戊午京師地震明志三月丁卯通州雨冰深一尺

明志五月大城風霾地震大城張志十一年六月有熊自西直門

入城是年城內多火災明志十月甲戌清甯宮災明孝宗紀十二

年五月己亥夜火隕都察院獄旋轉久之始滅明志七月己巳

京師地震十月又震明孝宗紀十三年秋七月庚申居庸關石縫出

火東西四十餘里南北七十餘里延燒七晝夜昌平宋志十四年順

天饑明志文安夏蝗秋大水文安張志十六年夏京師大旱明志

十七年五月癸巳正陽門內西廊火燔武功坊明志十八年

春正月朝鐘新成紐絕奉天門座下階石無故自裂野錄六月

至八月京畿連雨明五行志 正德元年正月大城地震大城張志 六月

辛酉大風雨壞郊壇獸瓦明武宗紀 九月宛平棗林莊李花盛開明五行志

行志 二年東安地震東安李志 四年秋東安雹災東安李志 六年春保定地震保定成志 八月霸州桃李華明五行志 十一月戊

午京師地震明武宗紀 霸州尤甚三日中十有九震霸州朱志 七年六

月壬戌黑晝見涿州大者如大小者如貓夜出傷人有至死者尋

見於京師形亦黑風行有聲居民夜持刁斗相警達旦逾月乃止

明五行志 冬密雲無雪密雲丁志 八年癸酉正月薊州大雨雹厚甚薊州

沈志 夏固安黑晝見月餘固安陳志 九年順天旱明五行志 正月庚辰

乾清宮災明武宗紀 八月乙巳京師地震明武宗紀 十年閏四月甲申

薊州驟狗崖東墩及新開嶺闕雷火震傷三十餘人明五行志 七月

文安水忽偃立是日大寒結為冰柱高圍俱五丈中空旁穴數日

而賊至民避穴中生全者甚眾明五十二年春順天大水饑明五

行志 夏四月昌平裕陵神宮監火昌平十三年正月車駕還京宋志

令朝臣用曳撒大帽驚帶明五十四年春東安大疫東安二

月丁丑京師地震明武宗紀三月戊午風霾晝晦明五宮城內海

子水溢四五尺圻橋下鐵柱二申秋九月昌平地震昌平十

五年十二月帝平宸濠還京俘從逆者及懸諸逆首於竿皆標以

白幟數里皆白時帝已不豫見者識其不祥明五嘉靖元年京

師民米鑑妻二月十一日生一子十二日生一子十三日生一子

童謠云太廟香爐跳午門石獅叫好羣黑頭蟲一半變蛤蚧一半

變人龍二申正月己未清甯宮後殿災明世宗紀二月己亥通州

城樓火明五二年二月二十三日薊州狂風大作吹沙蔽天行

人壓埋於沙中薊州永清武清香河通州同日災宋訪五月

丁丑雷擊觀星臺明五八月二十八日薊州地震有聲自卯至

午又震未時雨雹如栗大薊州三年六月順天蝗明五秋三

河大水三河四年密雲大水密雲懷柔大水懷柔三月壬

午仁壽宮火明世宗紀五月戊子固安雨雹明五六月固安又雹

固安五年涿州大饑涿州春文安地震文安四月戊寅雷

擊阜城門城樓南角獸吻及北九舖旗杆明五六年固安旱蝗

固安東安大旱蝗蔽天東安五月甲午京師雨錢明五通

州西北海噴平地水高丈餘漂沒不可勝計二十月戊辰京

師地震明五七年涿州大旱涿州夏五月辛未朔京師大水

雹二東安大風晝晦地震九月大水東安八年春二月甲

申京師旱躬禱於南郊山川社稷不雨二夏五月文安隕霜

文安冬十月乾清宮內西七所房災二香河縣軍民餘牛

陽志

文家園中桃樹開花香河劉志 九年保定固安大水保定成志 通州饑

通州高志 十年六月丁巳雷擊德勝門破民屋柱斃者四人癸亥雷

擊午門角樓及西華門城樓柱明五行志 秋文安大水文安楊志 十一

年懷柔星隕懷柔吳志 九月二十七日東安星隕如雨旱蝗東安李志

十二年八月丁酉京師地震明五行志 十月三河星隕如雨三河陳志

十三年密雲星隕如雨密雲丁志 十四年文安霪雨文安楊志 冬東安

地震有聲如雷東安李志 十五年十月庚寅京城地震如雷明五行志

十六年東安大水傷稼東安李志 夏五月雷震謹身殿通鑑輯覽 京師

雨自夏及秋不絕房屋傾倒軍民多壓死明五行志 十八年駕將南

幸有軍人孫堂從御路中橋至奉天門下登金臺坐久守門官役

無知者升堂大呼覺而捕之乃病狂者明五行志 固安旱麥苗盡枯

固安陳志 夏六月雷震奉先殿二申野錄 秋文安大水文安楊志 二十年

密雲蝗

密雲丁志

懷柔飛蝗蔽天食禾幾盡

懷柔吳志

夏四月九廟焚

二申

二十一年順天饑

明五

二十三年夏五月東安縣北十

里許宜義鄉巨石長博約丈餘一日風雨交作石乃特立聲聞數

里二申

二十四年順天饑

明五

二十五年順天饑

明五

六

月永清寶坻武清大水居民漂溺甚眾隆興寺殿前一木忽拔去

不知所止

武清蔡志

六月至七月大雨水深數尺禾稼俱沒城垣民

舍傾覆甚多

順天府志

七月癸酉醴泉出承華殿

明世宗紀

八月京塔

出煙三日

石河小記

二十六年春二月京師王健兒家猪生五子其

一人首後二蹄人足生即能行

二申野錄

冬十二月大內火

通鑑輯覽

二十七年正月京師大風霾

二申野錄

七月戊寅京師地震

明世宗紀

八月京師地震

二申野錄

大城地震

大城張志

二十九年庚戌春薊州

雨螻蛄屋瓦門窗飛打有聲

薊州沈志

正月固安村人曉起見東郭



何家莊有城郭樓臺之狀日出乃隱二月復見於北隱村

東安李

三月東安大風雨沙密雲日吁黑氣亘天大風發屋瓦

密雲志

六

月東安頭畜疫死

東安李

七月東安學圃產芝一本

東安李

密雲

地震

采訪冊

八月東安東南方天鼓鳴

東安李

三十年九月乙未

京師地震

明世宗紀

香河飛蝗蔽天食禾盡民間男女捕蝗作餬

香河

三十一通通州火大城地震

采訪冊

三十二年秋固安霸州

文安保定大城大水文安決沙口隄平地水深丈餘四門用土屯

人皆上城登舟

采訪冊

通州霍雨運河衝決張家灣麵店皇木廠

大木漂流甚為民害懷柔大水平地丈餘禾稼漂失殆盡西北水

與潘家莊觀音堂山齊談者謂有龍居之數日始退

采訪冊

三十

三年春文安大饑逃亡殆盡人相食通州大饑民剝樹皮以食東

安自春至冬疫人死過半春夏永清饑民採樹皮為食

采訪冊

四

月都城內外大疫明五行志 六月京師大雨平地水數尺明五行志 盧

溝橋口潰海子牆大水無涯直至武清縣堂文卷盡為浸沒通州

渾河決禾稼盡沒米貴大疫宋詩冊 秋東安永清大水禾盡沒男

女疫亡大半永清周志 密雲大雨潮河北決壞城東南隅西北隅密雲志

懷柔大水水中湧出口外大木若鋸截者不可勝數低下村

莊皆被水衝漂傳聞兩月前臨邊山中不見人形而斧鑿之聲不

絕聞者疑之後果霍雨大水水上有人形如塑龍王像又見大燈

籠二盞如人手執往來水面或謂建龍宮云宋訪冊 三十四年密

雲懷柔大饑米價增十倍民多餓死者密雲志 文安大水文安楊志

三十五年四月丁酉通州西倉火通州高志 密雲大雨河溢四月治

山鳴密雲丁志 懷柔大雨河漲大城大水宋訪冊 三十六年四月丙

申奉天華蓋謹身三殿災明世宗紀 通州渰蝗蝻黑蟲食苗幾盡通州

高志 三十七年夏秋通州霖雨漕河溢害稼通州高志 永清文安大

水宋訪冊 涿州大雨壞民廬舍密雲懷柔蟲食禾稼宋訪冊 三十

八年二月雷擊奉先殿野錄 固安大城大水涿州旱饑宋訪冊

三十九年四月雨雹八月星隕如雨密雲丁志 順天蝗大饑明五行志

三河蝗自南來如水越城北飛碍人馬不得行坑塹皆盈禾草俱

盡三河陳志 四十年十一月辛亥萬壽宮災明世宗紀 密雲懷柔大旱

蝗蝻大城疫大水宋訪冊 四十一年香河蝗蝻黑蟲食田禾殆盡

香河劉志 四十二年八月御苑龜生卵者五城東觀象臺忽崩陷臺

土移填於城外某潭野錄 四十三年閏二月京師雨雹四月大

雪通州民家牛生三首野錄 八月辛亥通州漕艘火通州高志 四

十四年正月京師饑且疫明五行志 三月大明門內西千步廊火明五行志

野錄 六月有白芝生於獻帝舊廟野獲編 順天饑明五行志 四十五

錄

年涿州大饑

涿州吳志

隆慶元年春三月癸亥黃霧四塞清明日京

師甚和暖晚間風雪交作寒冽異常次日九門報城外凍死者一

百七十人崇文門下乘轎婦人母子俱死轎中而轎夫亦死轎下

四月京師黃霧四塞

二申野錄

夏京師大水

明五行志

五月初曉東

安馬頭村民見村西四五里外白氣如流水狀逾時而滅冬十月

京師如盛夏雷震次日大寒夜將半雷震達旦

二申野錄

東安地震

有聲

東安李志

二年三月乙亥乾清宮坤靈宮一時俱燼戊辰京師

地震

宋訪冊

四月承運庫火累朝寶器皆燬

二申野錄

三年霸州夏

蝗秋霸州保定大水

宋訪冊

十一月庚辰京師地震有聲

明穆宗紀

三河螻蛄食苗幾盡

三河陳志

四年夏三河大旱

三河陳志

四月戊戌

京師地震

明穆宗紀

五年春正月己丑京師大風揚塵四塞

二申野錄

東安大旱

東安李志

夏四月戊午京師大冰雹

二申野錄

六月雷震園

丘廣利門碎之

二申野錄

辛卯京師地震者三

明穆宗紀

東安自六月

至九月霪潦為災渾河溢壞廬舍田禾歲大饑

東安李志

冬十一月

庚午京師天鼓鳴

二申野錄

六年夏通漕大旱煙氣蔽野月色赤如

血七月運河水溢害稼冬民饑

通州高志

萬厯元年夏四月翰林產

白燕內閣生嘉蓮

二申野錄

十一月已亥慈甯宮後舍火

明五行志

二

年夏昌平大雨壞昭陵稜恩殿

昌平宋志

東安大水漂人畜

東安李志

三年四月甲戌工部後廠火

明五行志

六月已卯雷擊建極殿鴟吻

壬辰雷擊端門鴟尾

明五行志

九月三河地震

三河陳志

四年秋密雲

懷柔大霧傷棗

懷柔吳志

五年冬十月朔大內火

二申野錄

七年七月

戊午京師地震

明神宗紀

八年春東安旱無麥夏秋渾河溢傷禾稼

歲饑

東安李志

文華殿西內角門柱礎有天下太平字拭之不滅

二申

野錄

武清隆興寺產芝草九本每本二三莖遠近觀者如堵

武清蔡志

九年夏四月京師旱

通鑑輯覽

十年四月京師疫通州東安亦疫

明五行志

霸州文安大城保定患大頭瘟症死者枕藉苦傳染雖至

親不敢問弔

采訪冊

十一年夏四月昌平旱

昌平志

十二月庚午慈

甯宮災

明神宗紀

東安渾河決堤口水失故道

東安李志

十二年二月

丁卯地震五月甲午又震

明神宗紀

十月己酉無逸殿災十二月癸

卯又災

明五行志

十二年至十七年懷柔俱春旱秋澇米麥斗價至

一錢入分藟秫斗價至八九分城內外爭掃草子食

懷柔吳志

十三

年五月乙酉旱大雩自去年八月不雨至是月

明五行志

五月乙酉

宛平大雨雹傷人畜千計

明五行志

七月戊子雷震郊壇廣利門震

傷榜題利字及齋宮北門獸吻

明五行志

八月乙酉京師地震

明神宗紀

十四年三月乙巳京師旱

明五行志

四月癸酉京師地震

明神宗紀

夏五月潮縣雨雹屋瓦皆碎

通州高志

六月武清霪雨山水大至決

河西棉花市及河東丁家園等口水抵城外遂通舟楫直至河西

楊村各處地方略無阻礙禾黍盡淹月餘方退武清蔡志七月京師

大風土霾四塞二申野錄昌平旱災傷疊見昌平宋志十五年四月京

師旱大疫明神宗紀六月京師大雨溺人民無算通鑑輯覽永清先旱

後蝗七月香河大水平地丈餘永清續志六月三日暮通州大雨雹

自西北方來大者如雞卵間有如杵如升者壞民房屋牲畜秋大

水通州高志金臺有婦人以羊毛徧繫於市忽不見繼而都人身上

泡瘤漸大痛死者甚眾瘤內惟有羊毛有道人傳一方以黑豆豉

麥爲粉塗之毛落而愈名羊毛疔寄園寄所寄引名醫類案京師明智草場

火發薪芻如山一夕盡爲熾燼餘焰中小者如拳大者如杵益色

正黑有光叩之聲甚清越絕類英石之佳者第質稍輕耳其狀或

爲筆架或爲硯山或爲立屏俱可供玩又有作人馬犬豕諸色者

無不畢肖野獲編十六年正月鼓樓內火龍飛上草梁又見大蝦

蟆口銜火毬又鐘樓內火龍飛出草梁隨雲而起草廠六梁俱焚

二申春香河民饑剝樹皮以食香河劉志六月庚申京師地震明神宗

野錄十七年香河大旱香河劉志十八年春夏通州旱七月七日大

雨三晝夜山水湧發潞東兩家店隄決田禾淹沒殆盡通州高志十

九年閏三月己巳昌平州地裂畿內蝗宋訪冊二十年二月大內

災二申保定大水蟲食禾保定成志二十二年六月己酉雷雨西

華門災明神宗紀七月壬辰雷擊祈穀壇東天門左吻明五行志二十

三年春三河民家生八豕一類人形手足俱備額上有一目明五行志

三月京師震五月京師地又震明神宗紀密雲懷柔大雨冰雹二

麥俱傷秋禾亦被損宋訪冊二十四年三月乙亥乾清坤甯二宮

災明神宗紀二十五年春正月雷火焚長陵明樓蟲食諸陵松柏大



雨水逆行神路石橋及諸邊牆臺塌損者過半野錄二月戊寅

京師風霾明志五月六月戊寅皇極中極建極三殿災明神宗紀秋七

月庚寅朔雷燬黃花鎮臺垣及火器昌平志八月京師地震明神宗紀

二十六年四月壬申京師旱明神宗紀八月丁丑京師地震明神宗紀

文安蝗災文安志二十七年二月永清風霾大作晝晦如夜永清志

四月雷擊太廟野錄密雲懷柔大雨雹傷禾二麥俱無訪

十一月壬申內廟火延燒尙寶司印綬監工部廊至銀作局

山牆而止明志文安蝗文安志二十八年二月戊寅京師地震

自艮方西南行如是者再明神宗紀二十九年春三月雷擊折天壇

燈竿長陵明樓火二申野錄六月京師自去年六月不雨至是月乙

亥始雨明神宗紀三十年六月京師大水明志三十一年五月戊

寅京師地震者再自東北向西行明神宗紀秋七月京師大雨雹通鑑

輯覽 九月戊寅通州漕艘火明志 三十二年春正月大雨都城

崩二月厚載門外皇城一帶牆下忽影出城郭山川樹木人物諸

狀有鉞騎數百臨城城上豎旗幟與畫圖無異移時乃滅二申野錄

通州旱通州高志 五月癸酉雷火焚長陵明樓又燬薊鎮松棚路墩

臺明志 六月昌平大水壞長泰康昭四陵石梁明神宗紀 通州霍

雨五十餘日山水湧發通渚房舍盡傾三冬大雪民多凍死保定

大水決隄宋訪冊 七月京師霍雨兩月不止正陽崇文二門城牆

中陷者七十餘丈民居多壞綱目三編注 九月三義廟杏樹花香河劉志

武清棉花市口衝決浸城數版屋宇盡頽居民以樹爲棲文安

杏葉口決禾盡泔沒災同宋訪冊 三十三年春通州大饑通州高志

正月京師地震二申野錄 二月乙丑御馬監火五月辛巳洗白廠火

明志 雷擊園丘望燈高杆明神宗紀 九月京師地震通鑑輯覽 甲午

昭和殿災

明神宗紀

丙申官軍於盛甲廠支火藥藥年久凝如石用

斧劈之火突發聲若震霆刀鎗火箭迸射百步軍民死者無數十

一月丁卯刑部提牢廳火

明五行志

三十四年自正月至夏不雨順

天文安永清三河寶坻諸縣大蝗

綱目三編注

七月丙戌大風拔朝

日壇樹

明五行志

三十五年四月丁酉通州西倉火

明五行志

閏六月

霍雨一月平地水湧通惠河隄開莫辨張家灣皇木廠大木盡行

漂流

通州高志

七月京師大雨晝夜不息京邸高廠之地水深二三

尺各衙門皆成巨浸平陸爲河內外城垣傾塌二百餘丈甚至大

內紫禁城亦塌壞四十餘丈雨霽三日正陽宣武二門外猶然波

濤洶湧與馬不得前城堙不可涉有巨人從北來著白衣白幘耳

存墜高二丈餘兩目炯炯火光射地望南而去

二申野錄

冬十二月

順天巡撫劉四科奏言擦捱子關在本臺根底起霹靂雷火一塊

進十八號臺碎旗杆一根擊死本臺百總湯明之子又提小孩子

一名在臺外放下未死二申野錄香河昌平文安大城保定大水廖

家口決四鄉民房衝毀城垣攤塌殆盡宋訪冊三十六年二月戊

辰京師地震七月丁酉又震明神宗紀內臣輩建西頂娘娘廟於內

府內織染局時都中忽興進士之說一切男婦不論貴賤或車運

或馬載以至豔婦處女亦坐兩人小輿懷中各抱一土袋以香楮

隨其後入廟獻之久之始漸衰又數年宮中忽作掠城之戲其法

畫地為八方令大璫輩以八寶投之自十兩至三兩能入者即為

賞野獲編三十七年正月初九日民間訛傳警至九門盡閉二申野錄

八月甲寅雷劈西城上旗杆明五行志三十八年春三月昌平大

風霾旱昌平志四月丁丑夜正陽門箭樓災至次日辰刻未熄目

三編注京師風霾蔽天旱魃為虐二申野錄燕河路營生豕一身二

頭六蹄二尾

明五行志

三十九年夏京師大旱

明五行志

四月昌平霰

雨經旬苗禾損

昌平志

六月大城保定陡發大水雷雨交作決隄

大饑

保定成志

固安大水

固安陳志

文安黑牛口決五穀盡壞

文安楊志

四十一年六月通惠河決七月京師大水

明五行志

四十二年五月

連雨四十日東西兩河水漲沒城牆六尺餘民饑

通州高志

四十三

年春東安大旱

東安李志

二月密雲黑霧晝晦

密雲丁志

夏四月昌平

黃花鎮柳溝大火延燒數十里

昌平朱志

六月大旱

明神宗紀

八月東

安繁霜

東安李志

閏八月辛亥通州糧艘火

明五行志

十月辛酉京師

地震密雲潮河川等處同時震有聲

綱目三編質實

四十四年正月京

師大雪

二申野錄

三月京師大旱

二申野錄

春東安渾河徙逼縣城

東安

李

志 十月甲子烈風壞正陽橋坊

綱目三編質實

十一月己巳隆德殿

災

明神宗紀

四十五年春二月蝗旱

昌平朱志

東安旱蝗

東安李志

夏六

月東安暴雨渾河溢西城下

東安李志

七月初六日京師怪風

二申野錄

八月東安天鼓鳴於東方

東安李志

四十六年四月宣武正陽門

外水赤三日如血一月乃止

明五行志

六月壬午京師地震

明神宗紀

九月壬子茂陵火

昌平宋志

乙卯京師又震

明神宗紀

薊州大水兩山

為岸民房倒塌人巢於樹

薊州沈志

四十七年春二月十九日巳時

武清風霾大作晝晦如夜至申乃微熳

武清蔡志

二十日京師風霾

晝晦黃塵四塞有頃赤光射人如血

明季北略

四月宣武門外響聞

至東御河水俱赤

明五行志

癸酉盛甲廠災

明神宗紀

秋七月昌平大

風霾晝晦赤光射人如血

昌平宋志

四十八年春三月昌平暴風揚

沙

昌平宋志

密雲大旱大城大風霾晝晦

采訪冊

京師天鼓鳴

綏寇紀略

質坻出一水獺至早不見

質坻洪志

有道士歌于市曰委鬼當頭

坐茄花滿地生北人讀客為楷又轉音為茄魏忠賢客氏之兆

明五

行志 泰昌元年十月丁卯熾鸞宮災明光宗紀 天啟元年二月戊戌

昭和殿災明熹宗紀 七月順天蝗明五行志 冬十月東安地震東安李志

永清地震自寅至辰城垛半頽民房盡壞永清續志 二年四月京師

旱明熹宗紀 昌平陰雨怒號雹如卵壞屋瓦禾木偃拔昌平宋志 密雲

大風雨雹壞屋瓦傷禾稼密雲丁志 八月二十八日卯時演象所內

火藥房燬二申野錄 文安雹雨傷麥文安楊志 三年四月庚申朔京師

地震十月乙亥又震明熹宗紀 薊州民楊禮家母銚生子人面豕耳

額上一目額上微有鬚身無毛四蹄類牛二申野錄 四年二月丁酉

薊州地震壞城郭廬舍甲寅京師地震宮殿動搖有聲明熹宗紀 三

月丙辰戊午又震庚申又震者三大城地震屋瓦動搖夜不敢

寢多有露宿者明五行志 四月又震時方詣太廟行祀典蹕旋至夜

二更地忽大震屋壁動搖踰更止五月京師旱二申野錄 六月京師

大雨雹六科廊災京師一日三地震乾清宮之震尤甚八月薊州  
于中秋驟然暴風大雨滂沱迅雷霹靂聲匝響震空中黑暗四望  
晦冥宇舍搖動屋瓦飛擲大樹吹折者過半四面城樓與寺觀牌  
坊俱吹隕落兼之冰雹凍死男女無算

二申野錄

癸亥乾清宮東丹

舞旋風驟作內官監鐵片大如屋頂者盤旋空中隕於西墀鏗訇

若雷

明五行志

五年六月東安地連震聲如霹靂

東安李志

固安蝗

固安

陳志

六年五月壬寅朔厚載門火神廟火毬滾出前門城樓角有

數千螢火并合如車輪

明五行志

初六日巳時天色皎潔忽有聲如

吼從東北方漸至京城西南角灰氣湧起屋宇動蕩須臾大震一  
聲天崩地塌昏黑如夜萬室平沈東至順城門大街北至刑部街  
長三四里週圍十二里盡爲齏粉屋數萬間人二萬餘王恭廠一  
帶糜爛尤甚僵屍層疊穢氣薰天瓦礫盈空而下無從辨別衙道



門戶震聲南至河西務東自通州北自密雲昌平告變相同城中

屋宇無不震烈舉國狂奔象房傾圯象俱逸出遙望雲氣有如亂

絲者有如五色者有如靈芝黑色者衝天而起經時方散

明季北略

癸亥朝天宮災

明熹宗紀

六月丙子京師地震

明熹宗紀

閏六月大雨

西山洪水驟發城中水深六尺新舊屋宇傾倒不計其數盧溝橋

人家被水衝去良鄉城俱傾勢若江河戶橫遍野直至涿州而止

二市野錄 詔獄土地廟前樹於六月間生黃芝

碧血錄

孟秋下旬四

日白氣如匹布長數百丈起尾箕間貫紫宮掩天樞五星

碧血錄

冬十月皇極殿成帝御殿受賀忽有聲如怒濤自殿中出羣臣班

亂

通鑑輯覽注

七年八月懷宗卽位將就寶座大聲忽發于殿之西

若天崩地塌然仗馬皆驚

二市野錄

崇禎元年十月密雲大風

密雲志

五鳳樓前獲一黃袱內襲小函一卷題云天啟七崇禎十七還

有福王一

綴冠紀略

文安旱六月方雨八月飛霜地震

文安楊志

三年

正月辛巳朔京師大風霾晝晦

明季北略

八月癸酉昌平頭道開災

火器轟擊無餘

昌平志

固安旱

固安陳志

大城大水

大城張志

五年春

三月二十一年大通橋下有聲如雷有白物狀如犬擁波而馳至

小聖窩而伏

二申野錄

八月霍雨損山陵昌平地動

明懷宗紀

九月順

天二十七縣霍雨害稼

明五行志

十二月祈雪

明五行志

六年京師旱

明五行志

七年九月庚申火藥局忽然震響煙起如雲將製火藥石

礮飛擲于泡子河城牆下又一石礮自空中落于民家屋上打透

至坑坑上有小兒但墜地依然無恙又一人其腰繫挂梁上首與

足俱下垂衣皆脫去止有皮存其中並無肉無骨形狀比生時增

長多許

二申野錄

京師饑

明五行志

九年十月昌平大風損折陵樹

昌平志

宋志

文安大城大水

文安楊志

十年正月京師石塊生火延燒倉場

等屋

後寇紀略

四月乙亥薊州雷火焚東山二十餘里

明五行志

夏京

師大旱

明五行志

宣武門外民家白雞喙距純赤重四十斤或曰此

鷲也所見之處國亡

明五行志

大城旱蝗

大城張志

十一年四月戊戌

新火藥局災石板平起空中民家醬甌移至屋極醬不動乘驢過

者人驢飛至半空驢腸腹潰而人墮地無損

後寇紀略

己酉夜焚惑

逆行尾入度爲月所掩五月初五日丁卯退至尾初度漸至心中

野錄

六月癸巳安民廠災震毀城垣傷萬餘人

二申野錄

七月永清

武清蝗飛蔽天食禾殆盡

武清蔡志

九月順天雨雹

明五行志

京師有

黑眚狀如狸入民家爲祟牛歲乃止

明五行志

十二年春昌平明倫

堂梁產黃芝二大如扇

昌平宋志

二月癸巳京師地震

明五行志

六月

密雲蝗蝻食禾幾盡

密雲志

己卯秋薊州大饑骨肉相食

薊州沈志

七月雷擊破密雲城舖樓所貯酸木皆碎

明五行志

九月二十日京

師草場失火

綏寇紀略

十月昌平雷電雹大雨

昌平志

涿州大饑

吳志

十三年春二月昌平風霾旱

昌平志

永清大饑三月大風京

營大將旗吹墮永清縣

永清志

五月昌平蝗

昌平志

六月昌平蝻

昌平志

武清大饑斗米千錢樹皮草根食之殆盡人相食

武清志

寶坻大水

寶坻志

密雲大饑僅

密雲志

文安飛蝗蔽日而下一人

捕數石

文安志

大城旱蝗

大城志

薊州饑愈甚餓死者無數

薊州志

十四年四月癸丑雷火薊州西北焚及趙家谷延二十餘里

明志

行志

七月京師大疫

明懷宗紀

寶坻旱飛蝗蔽空邑令漆園捕蝗三

城志

十石民之饑者食之

寶坻志

昌平大城大饑人相食道殣相望

大城志

張志

薊州旱蝗

薊州志

十五年四月順天三河境內忽於空中墮

一龍牛頭而蛇身有角有鱗宛轉叫號於沙土中以水沃之則稍

止如是者三晝夜乃死

烈皇小識

夏大城蝗如煙似霧木葉草根一

過如掃疫染者卽死

大城張志

七月京師鐵礮自鳴

二申野錄

昌平介

山村生嘉禾盈畝

昌平宋志

皇極殿鴟吻出煙近察之乃細赤蠟如

是飛者三日

物理小識

奉先殿鴟吻忽落地作披髮鬼哭出宮又周

后宮中忽傳云接駕因具袍笏伺之見鹵簿嚴肅及近前乃一老

年女子舊闕云此李太后也良久寂然

座右編

十六年正月二日

大風晝晦五鳳樓前門拴風斷三截又風吹建極殿廡簷榱桷俱

折殿瓦皆碎

按寇紀略

初五日大內諸殿脊及各門樓煙起閣臣皆

出疑有火災視之冉冉若炊煙而微淡久而乃息

按寇紀略

二月二

十四日戊子京師大風霾

明季北略

京師大疫自二月至九月止

明五

行志

五月大雨沾衣如血雷霆通夕不止次日見太廟神主或橫

或倒諸銅器爲電火所擊融而成灰六月二十三日夜雷震奉先

殿廟脊鴟吻碎中有劍削拔去不知落在何所廟門玲瓏雕刻處

皆損壞有龍爪痕

綏寇紀略

八月皇極殿內忽一聲爆裂見腥血如

注出自殿廷一沾衣穢氣難聞妖氛眯目難當白晝即覺昏憤凡

朝臣以及內監宮妃莫不恐怖

野錄二申

冬建極殿鴟吻中有聲似

鵲鳩曰苦苦其聲漸大後作犬吠聲三日夜不止

綏寇紀略

昌平大

疫十月登華城羣鬼夜號月餘乃止

昌平志

十一月火藥庫災震

驚遠邇傷三十餘人藥之所激空棺飛過數十家庫梁墮入錦衣

衛堂上

二申野錄

京師黑眚見宮中常見如豕如犬者黑色行作鬼

聲

綏寇紀略

舉場左右人鬼錯雜薄暮人屏不行一時貿易多得紙

錢乃置水投之有聲則錢無聲則紙大疫定後乃已

綏寇紀略

上將

祭廟鹵簿已設忽見黑氣自空而墜如有婦人衣白者疾飛入宮

軍人皆見之是年人見太廟中鬼皆嘯呼而出

綏寇紀略

十七年春

正月乙酉朔京師大雨霧

二申野錄

昌平密雲大風霾晝晦三月大

風霾晝晦

密雲丁志

二月大學士魏藻德夜聞刀兵之聲入其寢室

三月初舉家聞哭泣

殺寇紀略

乙卯上饒李建泰於正陽門建泰頓

首拜謝叩綬花怒張如斗是日大風揚沙建泰肩輿不數武杆折

識者以爲不祥先是內殿奏章房多鼠盜食與人相觸而不畏元

旦後鼠忽屏跡帝嘗御乾清宮空中墜一鶴頸穿一箭至地飛鳴

俄而鶴死又乾清宮後廡有青霞居遊藝齋皆陳設寶玉重器於

御几物忽自移彼此互易其處或顛倒錯亂失而復得守者懼得

罪伺之御榻重茵中有溺而旋者狐毛零落其氣尙溫

二申野錄

三

月十五日癸卯風霾日色益暗正陽門外關神廟中棋杆劈爲兩

半撞于道上一時聞傳關帝厭世已出都門于三日之先託夢於

聖上

明季北略

國朝

順治二年東安大水

東安李志

三年四月文安大雨雹傷毀麥田

文安

楊志

五年密雲大水白河堤決

密雲丁志

霸州大水

霸州朱志

六年文

安大城大水

文安楊志大城張志

九年文安大城薊州大水

宋訪冊

永清

大旱

永清續志

十年夏六月霍雨壞城垣民舍

昌平宋志

東安霸州文

安大城保定大水

宋訪冊

冬武清大雨雪平地二三尺人民凍餒

武清蔡志

密雲饑

密雲丁志

十一月東安大饑

東安李志

文安蝗災

文安楊志

要兒渡口決直注寶坻淹沒田廬

寶坻洪志

五月文安大城保定

大雨如注連十晝夜諸隄盡決平地水深二丈

大城張志

十二年固

安河溢壞城舍

固安陳志

九月九日永清地震

永清周志

香河河水爲

害季冬大雪相繼積而不消

香河劉志

十三年固安霍雨波潏遍野

固安陳志

七月昌平密雲蝗八月蝻

密雲丁志

東安饑

東安李志

十四年

固安大城水災

固安陳志大城張志

秋東安蝗

東安李志

九月二十日夜昌



平地震次日復震昌平宋志

康熙元年七月保定栢木橋隄決保定成志二年二月十九日京師

天鼓鳴隨隕星十一城外七城內四次朝拾視熱如熾炭東華錄

河決大城分汛文安楊志東安地震東安李志四年三月二日京師地

震有聲東華錄東安昌平順義地震連二次頭次有聲如雷房至

牆倒窪池水出二次微聲采訪冊七月初七日大城地震淫雨五

晝夜城垣倒壞十之六七縣境民房坍塌不下數萬間大城張志五

年五月保定蝗自東來蔽日傷禾地震有聲六月雨下如注平地

水深三尺保定成志六年六月香河天陰黑雲四合疾風暴雨冰雹

大注平地深數尺大者如碗田禾盡傷屋瓦皆碎遠近數十里城

內及城東尤甚香河劉志秋七月昌平產嘉禾一莖二穗昌平宋志七

年夏四月昌平奎樓火昌平宋志五月癸丑子時京師地震初七初

九初十三日未時皆震

東華錄

六月十七日香河地震從西北起

戛戛有聲房屋搖動七月初七日陰雨連日河水汎濫凡開口岸

三十餘處城四面水圍西城水泮三十八行北城泮十行大雨傾

盆晝夜不止村落當衝處房屋漂沒泮死男女屍骸並頭畜等被

滿水面水凡七漲計二十餘日民房多圯無所棲止男女襍聚廟

宇中

香河劉志

秋七月昌平大雨漂民舍禾稼

昌平朱志

盧溝水溢從

鳳河至城下平地深丈許三門俱塞水暴入城不能禦東城樓圯

隆其流始障

武清蔡志

文安地震河決

文安楊志

八年九月甲午寅時

京師地震有聲

東華錄

九年春武清大城大旱無麥禾

武清蔡志大城張志

九月二十五日巳時武清隕星一其大如斗從空墜落有聲屋

棟摧折入地尺許

武清蔡志

十年霸州春旱夏潦

霸州周志

文安水災

文安楊志

大城旱

大城張志

十一年東安文安旱蝗

東安李志文安楊志

十二

年九月乙亥京師地震東華錄 武清地震武清縣志 十三年九月九

日東安地震東安縣志 十四年乙卯三月二十六日異風自巳至戌

黃霾蔽天瓦飛如燕茅屋盡揭薊州志 十五年五月初一日京師

大風晝晦有人騎驢過正陽門御風行空中至崇文門始墜地人

驢亡恙又有人在西山皇姑寺前比風息身已在京城內宸垣識略

十六年三河蝗三河縣志 十七年七月二十八日京師地震毛西河詩集

十八年七月庚申京師地震通州三河平谷香河武清永清寶

坻薊州固安等處尤甚宋詩補 薊州地內聲響如奔車如急雷天

昏地暗房屋倒塌無數壓死人畜甚多地裂深溝縫涌黑水甚臭

日夜之間頻震人不敢家居薊州志 寶坻各村莊見白兵抄掠捕

之寂不見寶坻志 二十三年東安蝗東安縣志 二十四年正月二十

三日大風霾白晝如夜文安縣志 五月二十八日密雲大風密雲縣志

六月固安大雨壞民舍

固安陳志

二十五年七月河決文安下五哥

莊

文安楊志

丙寅薊州大水

薊州沈志

二十六年九月丁亥丑時京師

地震

東華錄

二十八年東安旱

東安李志

二十九年庚午薊州大水

薊州沈志

寶坻大水

寶坻洪志

武清旱蝗

武清蔡志

三十年順天府屬夏

旱秋歉

洪名臣傳

三十二年大城廣安村河決洪波流入文邑田廬

淹沒

文安楊志

寶坻大水

寶坻洪志

三十四年六月初五日至初九日

固安大雨如注環城水深丈餘

固安陳志

蝗起武寶界

寶坻洪志

乙亥

薊州水至南門城下

薊州沈志

三十五年八月文安河決路墮平地

水深丈餘城垣倒壞民逃殆盡

文安楊志

九月辛巳京師地震

東華錄

三十六年蝗七月河決大城次花口

文安楊志

三十八年夏六月

尊經閣產異菌大如盤一莖百顆夏秋大雨水河決灰塢口等處

武清蔡志

三十九年五月十二日大雷雨麥已熟未刈悉淹沒秋禾

無獲武清蔡志 七月子牙河水漲溢由大城之次化漫堤而入害及

文洋百里田禾盡沒文安楊志 四十年五月內包人張兆龍妻馬氏

一產三男文安楊志 四十一年十月乙酉京師地微震東華錄 四十

二年癸未六月薊州大水水至南城門下三次薊州沈志 寶坻西河

水漲禾稼盡淹寶坻洪志 十月密雲星隕密雲丁志 四十四年四月密

雲蝻至九月不絕八月雨雹傷禾稼九月十六日夜地震四次密雲志

丁志 八月丁酉朔京師地微震東華錄 三河蝗不為災三河陳志 四

十五年二月二十七日丙辰京師地微震東華錄 四十六年寶坻

北河口隄決村落皆淹寶坻洪志 四十八年四月東安蝗六月水東安志

李志 秋昌平蝗蝻為災昌平宋志 五十年五月固安旱固安陳志 五十

一年六月固安蝗固安陳志 五十二年四月初一日固安蝗固安陳志

寶坻水寶坻洪志 五十三年五月初七日固安西雨雹拔木損禾凡

所損皆復生收穫無異固安陳志五十四年六月順義大風樹木盡

拔順義黃志五十五年閏三月順天府饑漢名臣傳夏密雲懷柔大旱

密雲丁志五十六年密雲雷震冶山塔密雲丁志五十八年六月

初一日武清地震武清蔡志二十九日夜寶坻疾雷飛電大風拔木

寶坻洪志文安雷雨大作大風拔木東安李志五十九年六月初七日

巳時地震初入日申時復大震有聲自西北來少刻搖撼簸蕩人

不得坐立城牆北面倒塌一十六丈城垛搖落大半民居傾壞無

數夜皆露宿後連次微動數日乃止懷柔新志八日東安地震東安李志

密雲地震越一日大震聲自西北來毀鼓樓及民居連日累震

密雲丁志六十年三月黃霧四塞霾沙蔽日東華錄懷柔自春不雨

至五月二麥無收小米每倉斗價銀二錢三分懷柔吳志密雲自春

至夏旱密雲丁志六十一年七月密雲大雨毀城白堤密雲丁志

雍正元年秋七月密雲蝻生逾夕抱黍自死密雲丁志 二年東安水

雹傷禾東安李志 三河大水三河陳志 寶坻大水寶坻洪志 三年寶坻水

寶坻洪志 六月武清大河西務堤潰平地水深數尺侵東門城甃十

數層武清蔡志 七年六月武清山水陡發河西務浸決武清蔡志 八年

八月十九日東安武清薊州地震有聲自西北來采訪冊 十一年

冬十二月乙卯京師夜氛如霧重之以霜凝於木上全祖望霧淞賦 東

安三河甯河薊州水采訪冊

乾隆二年春東安旱無麥東安李志 順天合境大水漢名臣傳 三年東

安大水渾河溢秋禾被災一百九十村東安李志 四年永定河浸溢

武清蔡志 五年三河飛蝗來境抱禾稼枝葉而斃不為災三河陳志 寶

坻水寶坻洪志 七年四月涿州雨雹大如雞子涿州吳志 八年閏四月

大雨雹盤山雲罩寺塔被震倒塌五月大熱人多暈死薊州沈志 五

月三河大暑人多病暍

三河陳志

六月丙辰京師盛暑

續東華錄

九年

四月武清旱

武清新志

十年夏四月京師旱

續東華錄

五月涿州雨雹

涿州吳志

三河旱

三河陳志

十一年六月丁丑京師地微震

續東華錄

十

七年三河蝗不成災

三河陳志

十八年涿州旱

涿州吳志

二十四年春

二月初七日天雨土早有勝傷禾秋九月二十六日夜大雪

涿州沈志

二十八年六月霸州文安等處飛蝗

漢名臣傳

三十年薊州大水

五月三十日夜至六月初一日旦雷電風雨交加郡北山中蛟水

陡發冲去山內二十里舖房屋淹斃人畜甚多運糧船隻漂沒七

號人米船板一概無踪

薊州沈志

三十三年閏五月武清蝗

武清蔡志

甯河水

甯河關志

三十八年秋七月十九日薊州大風雨拔木熟禾

盡偃

薊州沈志

五十四年永清水

永清續志

五十五年薊州大水冲出

城南沽河舊石橋九空

薊州沈志

六十年六月二十一日薊州地震



薊州  
沈志

嘉慶元年五月二十五日平谷大雨雹形大如雞卵無麥秋禾大

熟

平谷

二年閏六月十三日薊州地震有聲

薊州

三年二月

丙子京師缺雨

續東

乾清宮災

宗聖訓

仁

五年薊州春無麥

薊州

沈志

六年六月己酉京師大雨壬子永定河溢

續東

武清昌

平涿州薊州平谷大水

采訪

七年夏四月癸丑京師旱

續東

華錄

七月平谷蝗

平谷

十年六月丁丑永定河溢

續東

十二年薊

州饑春三月十二日大風霾有火隨風著物有然有不然八月二

十三日早刻大雨雹有如鷺卵者屋瓦皆碎木葉盡脫

薊州

十

四年夏四月十五日薊州雨雹傷麥

薊州

十五年秋七月永定

河溢

續東

十六年夏四月戊辰京師旱

續東

十七年夏四月

薊州大雷電震盤山之塔秋大水

薊州

十八年七月長星見於

北斗旁先及紫微垣九月朔三環套日采訪二十一年永清水

永清周志 二十二年夏薊州復震盤山之塔秋大旱薊州固安大

旱饑固安永清水永清涿州旱霜涿州二十四年四月初

八日酉時有怪風自東南來陰霾蔽天晝晦京師尤甚室內皆燃

燭七月初八日平谷縣西南七里西高村莊午後有怪風兼雨自

西南來遙望如颶風由村內斜過其過處房屋摧敗甚有將屋之

上蓋連樑掀至街外者莊北高處有關帝廟西向風過處殿之南

山牆刮去一半樹木或倒或折損折者不一莊外自西南至東北

一里禾盡偃其平如掃平谷固安渾河南五工決漫溢知子營

等一百一十六村固安永清水永清

道光元年四月朔日月合璧五星連珠七月轉筋霍亂時疫大作

直至八月死者不可勝計是年 恩科鄉試改期九月初八日采訪

冊

三年固安武清平谷大水

宋訪冊

昌平霪雨禾稼盡傷

昌平宋志

四年平谷自春徂秋瘟疫大行又兼三年秋禾不登人多無食

死者不可勝計甚有全家病沒無人埋葬者有因年荒無資棺殮

而藁葬者

平谷陳志

五年六月昌平蝗

昌平宋志

七年夏昌平大熱人

有暍死者

昌平宋志

十年六月初一日未時平谷雷震邑南城樓

平谷

朱志

十二年春昌平大旱饑六月始雨

昌平宋志

十二年春夏平谷

大旱近城十餘里於六月二十八日始雨其他處有於七月初旬

得雨者有於七月十四五日得雨者人別無可種至有種九豆大

麥者亦獲微熟其他禾稼直至後九月尚未盡熟經霜而枯歲大

饑

平谷陳志

十三年春昌平大饑有路死者

昌平宋志

武清旱

武清蔡志

十四年固安渾河北三工決漫溢北十里舖等八十七村

固安陳志

十七年七月十三日酉刻後平谷大雹如卵城東南北如碗者由

城內至城西二十餘里接連三河縣界秋禾盡平城內外屋瓦碎

其大半

平谷陳志

八月十四日昌平大風傷稼拔木

昌平宋志

十八年

秋七月十八日酉刻後平谷雨雹大如卵城東南北亘二十餘里

北自北山後不知起自何地南至南山薊州界東西寬五六里秋

禾盡損

平谷陳志

二十年自六月十八日至七月十七日平谷霪雨

連綿大水

平谷陳志

二十八年秋武清禾被水災

武清蔡志

昌平旱六

月大雨水傷人

昌平宋志

咸豐三年固安渾河南三工決漫溢東西楊村一百二十八村

固安

陳志

四年固安武清蝗六月初一日龍見於固安石各莊西南俄

而升大雨如注

采訪冊

五年夏五月昌平雨雹傷麥

昌平宋志

六年

夏六月固安渾河北三工決上北四工決

固安陳志

昌平大雨

昌平宋志

秋武清禾被水成災

武清蔡志

八月初七日至初十日平谷飛蝗

自南大至蔽天早田無傷晚田損聞自江南河南山東直隸關東

皆然後即於田中生子依次小孔田地如篩平谷陳志昌平蝗昌平宋志

七年固安蝗固安陳志春昌平旱蝗昌平宋志平谷蝻生無麥秋禾

熟平谷宋志八年昌平旱斗豆鐵錢四千昌平宋志六月平谷蝻自西

南三河境至大王務霽霰莊秋禾半傷八月初八日蝗自南大至

過一宿而去不傷禾平谷陳志十年春二月昌平怪風傷人昌平宋志

同治元年三月初三日武清風霾晝晦人有死者武清蔡志七月朔

日月合璧五星聯珠續東華錄六年武清先旱後潦秋禾被水成災

武清蔡志夏昌平大旱秋七月雨雹昌平宋志七年昌平城西王虛觀

松生黃花昌平宋志十年武清水災武清蔡志夏平谷大水凡山居水

勢尤猛田皆冲損人被冲溺者甚多有不得其尸者平谷陳志十一

年秋武清禾被水武清蔡志十三年秋武清禾被水成災武清蔡志

光緒元年秋大暑人暈死

采訪冊

三年武清蝗

武清蔡志

夏昌平旱

蝗

昌平宋志

四年昌平霪雨賸

昌平宋志

五年五月武清水關

武清蔡志

七年六月武清蝗以米易蝗二千四百石乃不為災

武清蔡志

九年

七月大水闔境成災永定河決於永清境

采訪冊

華陽吳祖椿校